



歷代名賢列女氏姓譜卷一百二十六

湘鄉

蕭智漢雲澤氏纂輯

男秉信明甫氏校

去聲

二十四敬

鄭氏

明

鄭遇春濠人與兄遇霖俱以勇力聞遇霖與里人有卻欲殺之遇春力護得解衆皆畏遇霖而以遇春爲賢太祖下滁州遇霖爲先鋒取鐵佛岡三汊河大柳等寨遇春亦累功至總管攻蕪湖遇霖戰死遇春領其衆時諸將所部不過千人遇春兼兩隊而所部尤驍果累戰功多授左翼元帥從平陳友諒身先士卒未嘗自言功太祖異之取六安爲六安衛指揮僉事從大將軍定山東河南北克湖州改

姓譜

卷一百二十六

二十四敬

鄭氏

朔州衛指揮副使洪武三年進同知大都督府事封榮陽侯歲祿九百石予世券明年命駐臨濠開行大都督府坐累奪爵尋復之復守朔州從傅友德平雲南帥楊文等經畧城池屯堡還京督金吾諸衛造海船百八十艘運餉遼東籍陝西岷州諸衛官馬二十三年坐胡惟庸黨死爵除鄭士利字好義寧海人兄士元剛直有才學由進士歷官湖廣按察使僉事荆襄卒乘亂掠婦女吏不敢問士元立言於將領還所掠安陸有寃獄御史臺已讞上士元奏其寃得白會考校錢穀冊書空印事覺凡主印者論死佐貳以下榜一百成遠方士元亦坐是繫獄時帝方盛怒以爲欺罔丞相御史莫敢諫士利嘆曰上不知以空印爲大罪誠得人言之上聖明寧有不悟會星變求言士利曰可矣旣而讀詔有假公言私者罪士利曰吾所欲言爲天子殺

無罪者耳吾兄非主印者固當出需吾兄杖出乃言卽死不恨士元出土利乃爲書數千言言數事而於空印事尤詳書成閉門逆旅泣數日兄子問曰叔何所苦士利曰吾有書欲上觸天子怒必受禍然殺我生數百人我何所恨遂入奏帝覽書大怒下丞相御史雜問究使者士利笑曰顧吾書足用否耳吾業爲國家言事自分必死誰爲我謀獄具與士元皆輸作江浦而空印者竟多不免

鄭居貞閩人與方孝孺友善以明經歷官鞏昌通判河南參政所至有善績孝孺教授漢中居貞作鳳雛行勗之後坐黨誅死

鄭華臨海人由行人貶東平吏目燕兵至州長訖盡棄城走華謂妻蕭曰吾義必死奈若年少何蕭泣曰君不負國妾敢負君華曰足矣率吏民憑城固守城破力戰不屈死

氏姓譜

卷一百二十六

二十四

鄭氏

二

鄭辰字文樞浙江西安人永樂四年進士授監察御史江西安福民告謀逆事命辰往廉之具得誣狀福建番客殺人復命辰往止坐首惡釋其餘南京敕建報恩寺役囚萬人蜚語言役夫誇訕恐有變命辰往驗無實無一得罪者谷賤人謀不軌復命辰察之盡得其踪跡帝語方賓曰是真國家耳目臣矣十六年趨遷山西按察使糾治貪濁不少貸潞州盜起有司以叛聞詔發兵討捕辰方以事朝京師奏曰民苦徭役而已請無發兵帝然之還則屏驢從親入山谷撫諭盜皆感泣復爲良民禮部侍郎蔚綬轉粟給山海軍辰統山西民輦任民勞多逋耗綬令卽山海貸償之辰曰山西民貧而悍急之恐生變不如緩之使自通有無用其言卒無逋者丁內艱歸蠶民詣御史乞留御史以聞服闋還舊任宣德三年召爲南京工部右侍郎初兩京

六部堂官缺帝命廷臣推方面官堪內任者蹇義等薦九人獨辰及邵玘傳啓讓帝素知其名卽眞授餘試職而已英宗卽位分遣大臣考察天下方面官辰往四川貴州雲南悉奏罷其不職者雲南布政使周璟居妻喪繼娶辰劾其有傷風教璟坐免正統元年奉命振南畿河南飢時河堤決卽命辰伺便修塞或議自大名開渠引諸水通衛河利灌輸辰言勞民不便事遂寢遷兵部左侍郎與豐城侯李彬轉餉宣府大同鎮守都督譚廣撓令劾之事以辦八年得風疾告歸明年卒辰爲人重義輕財初登進士產悉讓兄弟在山西與同僚杜僉事有違言杜卒爲治喪資遣其妻子

鄭本公朔州衛人正德九年進士歷御史武宗不豫國本未建本公請慎選宗室親賢者正位東宮繫天下望不報

氏姓譜

卷一百三十六

二十四

鄭氏

三

世宗嗣位及冬而乾清宮成帝由文華殿入居之本公上言事之可思者有六是宮八年營構一旦告成陛下居安思危當遠羣小節燕遊以防一朝之患重妃配廣繼嗣以爲萬世計慎終如始兢兢業業常若天祖之臨求言益切訪政益勤用防壅蔽之患持聖心遠貨色毋溺於鴆毒重興作惜財力永鑒于先朝帝嘉納之踰月帝欲加興獻帝皇號本公力言不可嘉靖改元出按遼東劾罷副總兵張銘都指揮周輔還朝論救給事中劉最忤旨切責二年十月時享太廟帝不親行本公與同官彭占祺極言遣代非宜報聞明年三月帝欲考興獻帝立廟禁中本公偕同官力爭謂陛下潛邸之日則爲孝宗之姪與獻王之子臨御之日則爲孝宗之子興獻帝之姪可兩言決也至立廟大內實爲不經獻帝之靈旣不得入太廟又空去一國之祀

而託享于大內焉陛下享太廟其文曰嗣皇帝於獻帝之廟又當何稱愛敬精誠兩無所屬獻帝將蹙然不安帝怒責其朋言亂政奪俸三月其年六月以席書爲禮部尚書名張璠桂萼人京本公偕同官四十四人連章言萼首爲亂階璠再肆欺罔黃綰黃宗明方獻夫席書連彙接踵尙書之命由中而下行取之旨已罷再頒大臣因此被逐言官由之得罪雖往日瑾彬之奸流禍不若是酷也不納已偕廷臣伏闕哭諫繫獄廷杖還職當是時爭大禮者諸御史中本公言最切中尋遷通政參議九年不調已疾請改南京乃授大理寺丞稍遷南京太僕少卿謝病歸二十年言官邢如默賈準等會薦詔用不赴卒

鄭曉字室甫海鹽人嘉靖元年舉鄉試第一明年成進士授職方主事日披故牘盡知天下扼塞士馬虛實強弱之

氏姓譜

卷百二十六

字輩 鄭氏

四

數尙書金獻民屬撰九邊圖志人爭傳寫之以爭大禮廷杖大同兵變上疏極言不可赦張孚敬柄政器之欲改寘翰林及言路曉皆不應父憂歸久之不起許讚爲吏部尙書調之吏部歷考功郎中夏言罷相帝惡言官不糾劾詔考察去留大學士嚴嵩因欲去所不悅者而曉去喬佑等十三人多嵩所厚嵩大恨曉調文選嵩欲用趙文華爲考功曉言於讚曰昔黃正爲文選調李開先考功皆山東人詔不許今調文華曉避位而已讚以謝嵩嵩欲以子世蕃爲尙寶丞曉曰治中遷知府例也遷尙寶丞無故事嵩益怒以推謫降官周鈇等貶曉和州同知稍遷太僕丞歷南京太常卿名拜刑部右侍郎俄改兵部兼副都御史總督漕運大江南北皆中倭漕艘幾阻曉請發帑金數十萬造戰舸築城堡練兵將積芻糗詔從之中國奸民利倭賄多

與通通州人顧表者尤桀黠爲倭導以故營砦皆據要害
盡知官兵虛實曉懸重賞捕戮之募鹽徒驍悍者爲兵增
設泰州海防副使築瓜州城廟灣麻洋雲梯諸海口皆增
兵設墩遂破倭於通州連敗之如臯海門襲其軍呂泗圍
之狼山前後斬首九百餘賊潰去錄功再增秩三資銀幣
時賊多中國人曉言武健才諳之徒困無所逞甘心作賊
非國家廣行網羅使有出身之階恐有如孫恩盧循輩出
於其間禍滋大矣洪武時倭寇近海州縣以高皇帝威靈
兼謀臣宿將築城練兵經畧數年猶未乂安乃招漁丁島
人鹽徒蜑戶籍爲水軍三數萬人又遣使出海宣布威德
久之倭始不爲患今江北雖平而風帆出沒倏忽千里倭
恃華人爲耳目華人借倭爲爪牙非詳爲區畫後患未易
弭也帝頗採納之尋召爲吏部左侍郎遷南京吏部尚書

氏姓譜

卷百二十六

子巖

鄭氏

五

帝以曉知兵改右都御史協理戎政尋拜刑部尚書佞若
圍大同右衛急帝命兵部尚書楊博往督大師乃以曉攝
兵部曉言今兵事方棘而所簡聽征京軍三萬五千人乃
令執役赴工何以備戰守乞歸之營伍帝立從之尋還視
刑部事嚴嵩勢益熾曉素不善嵩而其時大獄如總督王
忬以失律中允郭希顏以言事曉竝予輕比嵩則置重典
南都叛卒周山等殺侍郎黃懋官海寇汪直通倭爲亂曉
置重典嵩故寬假之惟巡撫阮鶚總督楊順御史路楷以
嵩曲庇曉不能盡法議者譏其失出云故事在京軍民訟
俱投謀通政司送法司問勘諸司有應鞫者亦參送法司
無自決遣者後諸司不復遵守獄訟紛拏曉奏循故事帝
報許於是刑部間捕囚畿府而巡按御史鄭存仁謂訟當
自下而上檄州縣法司有追取毋輒發曉聞率侍郎趙杰

祐傳頤守故事爭存仁亦據律執奏章俱下都察院會刑科平議議未上曉疏辨嵩激帝怒切讓遂落曉職兩侍郎亦貶二秩曉通經術習國家典故時望蔚然爲權貴所扼志不盡行旣歸角巾布衣與鄉里父老遊處見者不知其貴人也旣卒子履淳等訟曉禦倭功於朝詔復職隆慶初贈太子少保諡端簡

鄭一鵬字九萬莆田人正德十六年進士改庶吉士嘉靖初官至戶部左給事中一鵬性伉直居諫垣中最敢言御史曹嘉論大學士楊廷和因言內閣柄太重一鵬駁之曰太宗始立內閣簡解縉等尚政事至漏下數十刻始退自陛下卽位大臣宣召有幾張銳魏彬之獄獻帝追崇之議未嘗名廷和等面論所擬旨內多更定未可謂專也帝用中官崔文言建醮乾清坤寧諸宮西天西番漢經諸厥五

氏姓譜

卷百三十六

子綴

鄭氏

六

花宮兩暖閣東次閣莫不有之一鵬言禱祀祭典必魏彬張銳餘黨先帝已誤陛下豈容再誤臣巡視光祿見一齋醮蔬食之費爲錢萬有八千陛下忍斂民怨而不忍傷佞倖之心況今天災頻降京師道殣相望邊境戍卒日夜荷戈不得飽食而爲僧道靡費至此此臣所未解報聞東廠理刑千戶陶淳曲殺人論誦戍詔覆案改擬帶俸一鵬與御史李東等執奏并劾刑部侍郎孟鳳帝不聽給事中鄧繼曾修撰呂柟編修鄒守倫以言獲罪一鵬皆疏救官中用度日侈數倍天順時一鵬言今歲災用謝往往借支太倉而清寧仁壽未央諸宮每有贏積率饋遺戚里曷若留供光祿彭母后德帝命乾清坤寧二宮暫減十之一魯迷貢獅子西牛西狗西馬及珠玉諸物一鵬引漢閉玉門闕謝西域故事請敕邊臣量行賞賚遣還國勿使入京彰朝

廷不實遠物之盛德不聽尋伏闕爭大禮杖於庭侍郎胡
瓚都督魯綱督師討大同叛卒列上功狀請徧頒文武大
臣臺諫部曹及各邊撫按鎮監賞一鵬言瓚等欺罔罪賞
乃不行時諸臣進言多獲譴而一鵬間得命旨益發舒言
事論楊宏不宜推寧夏總兵官席書不宜許費宏留其弟
春爲修撰王憲黃緣貴近鄧璋敗事甘肅不宜舉三邊總
督服闋尙書羅欽順請告祭酒魯鐸被謫修撰呂柟宜召
置經筵廷臣乞省親養疾不宜槩不許諸疏皆侃侃會武
定侯郭勛欲得虎賁左衛以廣其第使指揮王琬等言衛
湫隘不足居吏士而民郭順者願以宅易之順勛家奴也
其宅更湫隘一鵬與同官張嵩劾勛以敝宅易公署驕縱
罔上昔竇憲改沁水園卒以逆誅勛謀奪朝廷武衛其惡
豈止憲比部臣附勢曲從宜坐罪尙書趙璜等因自劾詔

氏姓譜

卷百十六

二十四

鄭氏

七

遷所易勛甚銜之而一鵬復以李福達獄劾勛桂萼張璠
因坐以妄奏拷掠除名九廟災言言會薦遺賢及一鵬竟
不復召久之卒隆慶初復官贈光祿少卿

鄭岳字汝華莆田人宏治六年進士授戶部主事改刑部
主事董天錫借錦衣千戶張福決囚福坐天錫上岳言其
非體且言糾劾非鎮監職而董讓行之太常本禮部屬而
崔志端專之內外效尤益無忌憚忤旨繫獄尙書周經侍
郎許進等致不聽贖杖還職尋進員外郎許進督師大同
貴近惡其剛方議代之罷職總兵官趙景謀起用京軍屢
出無功岳言進不可代景不可用京軍不可出朝論譴之
遷湖廣僉事歸宗藩侵地於民施州夷民相讐殺者有司
以叛告岳擒治其魁餘悉縱遣荆岳飢勸富民出粟弛海
泊禁屬縣輸糧道衛率二石改一石岳以其直給衛而歸

粟備振民乃獲濟正德初擢廣西副使土官岑猛嘗徙福
棟據田州不肯徙岳許爲奏改近地猛乃請自效尋改廣
東遷江西按察使就遷左布政使宸濠奪民田億萬計民
立岩自保宸濠欲兵之岳持不可會提學副使李夢陽與
巡按御史江萬實相許岳承檄按之夢陽執岳親信吏言
岳子沅受賕欲因以脅岳宸濠因助夢陽奏其事因掠沅
巡撫任漢顧慮不能決帝遣大理卿燕忠會給事中黎奭
按問忠等奏勘岳子私有迹而夢陽挾制撫按俱宜斥岳
遂奪官爲民宸濠敗中外交薦起四川布政使以憂不赴
世宗初擢右副都御史巡撫江西甫兩月召爲大理卿嘉
靖元年冬上言內臣有犯宜聽部院問理毋從中決不能
從帝數不豫岳請遵聖祖寡欲勤治之訓宮寢有制違御
以時而退朝卽御文華裁決章奏日暮還宮以養壽命之

氏姓譜

卷百三十六

二千四百

鄭氏

八

源報聞出按甘肅亂卒事總兵官李隆等皆伏罪朝以
災異陳刑獄失平八事尋遷兵部右侍郎時大禮未定岳
言若以兩考爲嫌第稱孝宗廟號毋稱伯考以稍存正統
大學士石珪請從之帝切責珪奪岳俸兩月轉左侍郎請
罷山海關稅弗許中官崔文欲用其兄子爲副將岳持不
可寧夏總兵官仲勛行賄京師御史聶豹以風聞論岳岳
自白因乞休歸十五年而卒

鄭自璧字采東祥符人隸籍京師正德十二年進士改庶
吉士除工科給事中世宗踐阼中外競言時政自璧請采
有關化理者類輯成書以備觀覽從之初正德中奄人多
奪民業爲莊田至是因民訴遣使往勘自璧復備言其弊
帝命勘者嚴治民患稍除嘉靖二年后父陳萬言辭黃華
坊賜第請西安門外新宅詔予之自璧以所請宅已鬻之

長不當奪與安磐力爭不聽明年爭大禮受杖二遷至兵
科都給事中中官李能以修墩堡爲訶請定山海關稅額
中官張忠尙書金獻民等論甘肅功蔭子錦衣其下參隨
皆進秩鎮守江西中官黎鑑參隨踰常額中官武忠從子
英冒功擢副千戶錦衣官裁革者多夤緣復職而司禮監
奏收已汰諸匠近五百人孝陵淨軍于喜擅赴京奏辦安
邊伯許泰戍死其子請襲祖職中官扶安黃英先後死官
其親屬自壁皆抗疏爭帝多不聽嘗偕同官劾郭勛奸貪
及李福達事起復劾勛交結妖人帝以勛故降旨責自壁
六年三月宣府失事復劾總兵傅鐸并及鎮守中官王珉
巡撫周金副將時陳等罪鐸遠問陳褫冠帶而珉金責立
功贖罪禮部侍郎桂萼請起王瓊於邊自壁率同官與御
史譚纘等言瓊罪宜追治萼引奸邪請并論不納自壁最

氏姓譜 卷二百三十六 二十四敬 鄭氏 九

敢言所言皆權倖直聲震朝野側目者共爲蜚語聞於上
吏部以資推太僕少卿不用至是科道共劾中旨降二級
調外任遂謫江陰縣丞命下大臣幸其去無救者後廷臣
屢論薦竟不名

鄭以偉字子器上饒人萬歷二十九年進士改庶吉士授
檢討累遷少詹事泰昌元年官禮部右侍郎天啟元年光
宗祔廟當祧憲宗太常少卿洪文衡以睿宗不當入廟請
祧奉玉芝宮以偉不可而止論者卒是文衡尋以左侍郎
協理詹事府四年以偉直講筵與璫忤上疏告歸崇禎二
年名拜禮部尙書久之與徐光啟並相再辭不允以偉修
潔自好書過目不忘文章與博而票擬非其所長嘗曰吾
富於萬卷窘於數行乃爲後進所藐章疏中有何況二字
悞以爲人名也擬旨提問帝駭改始悟自是詞臣爲帝輕

遂有館員須歷推知之諭而閣臣不專用翰林矣以偉累乞休不允明年六月卒官贈太子太保御史言光啟以偉相繼沒蓋棺之日囊無餘貲請優恤以媿貪墨者帝納之乃諡光啟文定以偉文恪

鄭三俊字用章池州建德人萬歷二十六年進士授元氏知縣累遷南京禮部郎中歸德知府福建提學副使家居七年起故官督浙江糧儲天啓初召爲光祿少卿改大常未上陳中官侵冒六事時魏忠賢客氏離間后妃希得見帝而三俊疏有篤厚三宮妖冶不列於御語忠賢遣二暨至閣中搗妖冶語令重其罪閣臣力爭而擬旨則以先朝故事爲辭三俊復疏忠賢益怒以語侵內閣留中不下擢左僉都御史疏陳兵食大計規切內外諸司吏部郎中徐大相言事被謫抗疏救之四年正月遷左副都御史戶部氏姓譜

卷百二十六

千四百

鄭氏

十

右侍郎楊漣劾忠賢三俊亦上疏極論尋署倉塲事太倉無一歲蓄三俊奏行足儲數事忠賢盡逐漣等三俊遂引疾去明年忠賢黨張訥請毀天下書院劾三俊與鄒元標馮從吾孫慎行余懋衡合汙同流穢職閒住崇正元年起南京戶部尙書兼掌吏部事南京諸僚多忠賢遺黨是年京察三俊澄汰一空京師被兵大臣大獲譴明年春三俊以建備入賀力言皇上憂勞少過人情鬱結未宜百職庶司救過不贍上下睽孤足爲隱慮願保聖躬以保天下收人心以收封疆帝褒納之南糧歲額八十二萬七千有奇積逋至數百萬而兵部又增兵不已三俊初至倉庫不足一月餉三俊力祛宿弊料有司尤怠玩者數人屢與兵部爭虛冒久之士得宿飽萬歷時稅使四出蕪湖始設關歲徵稅六七萬泰昌時已停至是度支益絀科臣解學龍請

增天下關稅南京宣課司亦增二萬三俊以爲病民請減其半以其半徵之蕪湖坐賈戶部遂派蕪湖三萬復設關徵商三俊請罷徵併於工部分司計舟輪課不稅貨物皆不從遂爲永制蕪湖淮安杭州三關皆隸南戶部所遣司官李友蘭霍化鵬任倣皆貪三俊悉劾罷之居七年就移吏部八年正月復當京察斥罷七十八人時服其公旋上議官平杜請屬慎差委三事帝皆採納流寇大擾江北南都震動三俊數陳防禦策禮部侍郎陳子壯下獄抗疏救之考績入都留爲刑部尚書加太子少保帝以陰陽愆和命司禮中官錄囚流徒以下皆減等三俊以文武諸臣誑誤久繫者衆請令出外候讞帝皆從之代州知州郭正中因天變請舉寒審之典帝命考故事三俊稽歷朝寶訓得祖宗冬月錄囚數事備列上奏寢不行前尚書馮英坐事

氏姓譜

卷百二十六

二十四 鄭氏

上

遣戍其母年九十有一三俊乞釋還侍養不許初戶部尚書侯恂坐屯豆事下獄帝欲重譴之三俊屢讞上不稱旨讒者謂恂與三俊皆東林曲法縱舍工部錢局有盜穴其垣命按主者罪三俊亦擬輕典帝大怒褫其官下吏應天府丞徐石麟適在京上疏力救竹旨切責帝御經筵講官黃景昉稱三俊至清又偕黃道周各疏救帝不納切責三俊欺罔以無贓私令出獄候訊宣大總督盧象昇復救之大學士孔貞運等復以爲言乃許配贖十五年正月召復故官會吏部尚書李日宣得罪命三俊代之時值考選外吏多假繕城墾荒名減俸行取都御史劉宗周疏論之諸人乃黃緣周延儒囑兵部尚書張國維以知兵薦帝即欲召對親擢三俊言考選者部院事天子且不得專况樞部乎乞先考定乃請聖裁帝不悅召三俊責之對不屈宗

周復言三俊欲俟部院考後第其優劣純疵恭請欽定若
但以奏對取人安能得真品帝不從由是倖進者衆帝下
詔求賢三俊舉李邦華劉宗周自代且薦黃道周史可法
馮元颺陳士奇四人姜埰熊開元言事下獄及宗周獲嚴
譴三俊皆懇救先後奏罷不職司官數人銓曹悉廩廩大
僚缺官三俊數引薦賢士之廢斥者多復用刑部尚書徐
石麟獲罪率同官谷疏乞留三俊爲人端嚴清亮正色立
朝惟引吳昌時爲屬頗爲世詬病時文選缺卽中儀制卽
中吳昌時欲得之首輔周延儒力薦於帝且以囑三俊他
輔臣及言官亦多稱其賢三俊遂請調補帝特召問三俊
復徇衆意以對帝頷之明日卽命下以他部調選卽前此
未有也帝惡言官不職欲多汰之嘗以語三俊三俊與昌
時謀出給事四人御史六人於外給事御史大譁謂昌時

氏姓譜

卷百三十六

二千巖

鄭氏

十一

紊制弄權連章力攻并詆三俊三俊懇乞休致詔許乘傳
歸國變後家居十餘年乃卒

鄭崇儉字大章寧鄉人萬歷四十四年進士授河南府推
官歷濟南兵備副使崇正初遷陝西右參政屢遷右僉都
御史巡撫寧夏數敗套寇賚銀幣世蔭錦衣副千戶十二
年正月擢兵部右侍郎代洪承疇總督陝西三邊軍務五
月張獻忠反穀城羅汝才等九營皆反與安告警總理熊
文燦請敕楚撫方孔炤防荆門當陽鄖撫王鰲永防江陵
遠安陝撫丁啓睿蜀撫邵捷春各嚴兵於其境而崇儉主
提兵合擊時固原臨洮寧夏三總兵左光先曹變蛟馬科
隨承疇入衛柴時華中道還甘肅徵之不應崇儉乃檄副
將賀人龍李國奇等軍發西安國奇至洛陽卒大譟剽瑞
王租國奇已擢陝西總兵官坐停新命崇儉亦貶一秩

忠既叛大敗左良玉軍於房縣之羅峽山謀入陝崇儉率
人龍國奇軍扼之興安賊還走興山太平處楚蜀交是時
楊嗣昌已出師入文燦軍而代之矣先是尙書傳宗龍議
令崇儉兼督蜀軍而嗣昌亦檄秦軍入蜀崇儉乃以十三
年二月率人龍國奇會良王大敗賊於瑪瑤山獲首功千
三百三十有三降賊將二十有五人獲馬騾甲仗無算是
役也崇儉身在行而嗣昌遠處襄陽及論功所賜半嗣昌
但增一秩復先所降一秩而已獻忠既敗竄柯家坪蜀將
張令追之被圍崇儉遣兵擊走賊人龍國奇等復追敗之
寒溪寺鹽井先後斬首千五百級其黨順天王一條龍一
隻龍皆降崇儉軍五日三捷威名甚振以年衰乞骸骨不
許令率總兵鄭家棟還關中留人龍國奇討賊當是時獻
忠竄伏興歸山中秦楚師俱集於夔諸將協心窮搜深箐

氏姓譜

卷百二十六

二十畧

鄭氏

三

千餘殘寇可盡殲崇儉既去未幾人龍軍亦自開縣謀而
西歸楚師遂敗績於土地嶺蜀中由是大亂嗣昌因言崇
儉撤兵太早致賊猖獗帝初以崇儉不能馭軍不悅及是
命削籍以啓睿赴軍前代理而疑崇儉託疾令按臣核實
明年春獻忠陷襄陽嗣昌死帝益恨崇儉不犄角平賊也
逮下獄責以縱兵擅還失悞軍律不俟秋後以五月棄市
帝自卽位以來誅總督七人崇儉及袁崇煥劉策揚一鵬
熊文燦范志完趙光抃也帝憤寇日熾用法益峻功罪不
假貸而疆事寢壞卒至於亡福王時給事中李清言崇儉
未失一城喪一旅因他人巧卸遂服上刑羣臣微知其寃
無敢訟言者臣甚痛之崇儉寃始白

鄭爲虹字天玉江都人崇正十六年進士除浦城知縣唐

王道浦城知其廉及自立名爲御史部民相率乞留有十

不可去之疏乃令以御史巡視仙霞關駐浦城尋令巡撫
上遊四府兼領關務鄭芝龍步將奪民舟爲虹叱責之芝
龍訴於王王爲諭解然是時芝龍已懷異志盡撤守關將
仙霞嶺二百里間無一人

順治三年八月

大清兵長驅直入爲虹亟還浦城縱士民出走自守空城
無何被執與給事中黃大鵬竝死之年二十有五

鄭善夫字繼之閩縣人宏治十八年進士連遭內外艱正
德六年始爲戶部主事權稅許墅以清操聞時劉瑾雖誅
雙倖用事善夫憤之乃告歸築草堂金鼇峯下爲遲清亭
讀書其中曰俟天下之清也寡交遊日宴未炊欣然自得
起禮部主事進員外郎武宗將南巡偕同列切諫杖於廷
罰跪五日善夫更爲疏草置懷中屬其僕曰死卽上之幸

氏姓譜

卷百二十六

二十四敬

鄭氏

古

不死嘆曰時事若此尙可靦顏就列哉乞歸未得明年力
請乃得歸嘉靖改元用薦起南京刑部郎中未上改吏部
行抵建寧便道游武夷九曲風雪絕糧得病卒年三十有
九善夫敦行誼婚嫁七弟妹貲悉推予之葬母黨二十二
人所交盡名士與孫一元殷雲霄方豪尤友善作詩力摹
少陵

鄭山新建人與同邑萬木集鄉人結砦自固賊黨謝重一
馳入村二人執之積葦張睢陽廟前縛人馬生焚之濠黨
不敢犯二人飲江上爲盜凌十一所逼趣見宸濠烙而椎
之皆罵賊死

鄭鼎字爾調龍溪人由鄉舉爲廣順知州策安邦彥必反
上書當事言狀州故無城督民樹柵實以土無何邦彥果
反來攻城鼎誓死固守或言賊勢盛宜走定番鼎曰吾守

士吏也義當與城存亡及賊入與土官金燦端坐堂上並為賊所殺婢僕從死者六人

鄭國昌邠州人萬歷三十五年進士歷山西參政崇正元年以按察使治兵永平遷山西右布政使上官奏留之二三年正月

大清兵自京師東行先使人伏文廟承塵上主者不覺也初四日黎明登城有守將左右之國昌覺其異捶之至死須臾比樓火發城遂破國昌自縊事聞贈太常卿賜祭葬

廕一子

鄭灑字仲德浦江人其家累世同居幾三百年七世祖綺載宋史孝義傳六傳至文嗣旌為義門載元史孝友傳弟文融字太和部使者余闕表為東浙第一家鄭氏家法代以一人主家政文融卒嗣子欽繼之嘗刺血療本生父疾

氏姓譜

卷百二十六

子爵

鄭氏

五

欽卒弟鉅繼鉅卒弟銘當主家政以兄子渭宗子也相讓久之始受事銘受業於吳萊銘卒弟鉉繼父喪慟哭三日髮鬚盡白元末兵起大將數入其境相戒無犯義門樞密判官阿魯灰軍奪民財鉉以利害折之引去明兵臨婺州鉉挈家避右丞李文忠為扁鑰其家而遣兵護之歸至正中卒渭繼渭卒弟濂繼濂受知于太祖昆弟由是顯濂以賦長詣京師太祖問治家長久之道對曰謹守祖訓不聽婦言帝稱善賜之果濂拜賜懷歸剖分家人帝聞嘉嘆欲官之以老辭時富室多以罪傾宗而鄭氏數千指獨完會胡惟庸以罪誅有訴鄭氏交通者吏捕之兄弟六人爭欲行濂弟湜竟往時濂在京師迎謂曰吾居長當任罪湜曰兄年老吾自往辨二人爭入獄太祖召見曰有人如此肯從人為逆耶宥之立擢湜為左參議命舉所知湜舉同

王應等五人皆授參議混字仲持居官有政聲南靖民爲亂註誤者數百家混言於諸將盡釋免居一歲入覲卒於京十九年濂坐事當逮從弟洧曰吾家稱義門先世有兄代弟死者吾可不代兄死乎詣吏自誣服斬於市洧字仲宗受業於宋濂有學行鄉人哀之私諡貞義處士濂卒弟漢繼二十六年東宮缺官命廷臣舉孝弟敦行者衆以鄭氏對大祖曰其里王氏亦做鄭氏家法乃徵兩家子弟年三十上者悉赴京擢濂弟濟與王勲爲春坊左右庶子後又徵濂弟沂自白衣擢禮部尚書年餘致仕永樂元年入朝留爲故官未幾復謝去濂從子幹官御史棠官檢討他得官者復數人鄭氏愈顯濟棠皆學於宋濂有文行初漢嘗仕元爲浙江行省宣使主家政數年建文帝表其門漢朝謝御書孝義家三字賜之燕兵旣入有告建文帝匿其

氏姓譜

卷百三十六

子爵

鄭氏

六

家者遣人索之漢家廳事中列十大櫃五貯經史五貯兵器備不虞使者至所發皆經史真其半不啟乃免於禍人以爲至行所感云成化十年有司奏鄭永朝世敦行義復旌以孝義之門自文融至漢皆以篤行著文融著家範三卷凡五十八則子欽增七十則從子鉉又增九十二則至濂弟濤與從弟泳澳混白於兄濂源共相損益定爲一百六十八則刊行焉

鄭閔嘉定人精易學洪武初舉授禮部郎中以病告歸而郡邑之學易者多出其門永樂間嘗典湖廣福建交衡所著有味易餘吟集

鄭真慈谿人博極羣書在鄉里恂恂然不以才藝矜人嘗取諸家格言著爲集傳集說集論洪武初試浙闈居首選授廣信府教授榮陽外史

鄭本忠鄆縣人自號安分生以明經舉爲秦府教授本忠問學純正言行敦卓有安分集藏於家子復言雍言進士鄭駒字千里鄆人持身修潔未嘗迹公卿門爲文溫潤縝密洪武初聘爲郡庠訓導陞義烏教諭以道淑人時宋濂自翰林歸里第見卽以賓禮遇之卒於官

鄭子夔名倫號環谷榮祿人元湖東廉使明初應秀才詔授鎮江參謀上器之命主帥赫紅曰聽其謀議待以賓禮與僞吳戰子夔伏甲土佯以弱卒拽舟若降誘其驍將徐某等使深入伏忽發盡獲之上嘉其功賞賚甚厚後謝事歸洪武乙丑以博古通今名上曰人心不改何以治之子夔對曰臣聞繼治世者其道同繼亂世者其道變人心不改則以中和之道治之上嘉納親制敕諭并古辭賜歸鄭又霖字汝衆號就犁子休寧人好善樂道嘗應辟不仕

氏姓譜

卷百二十六

二十四歲

鄭氏

七

歸與周元黃元鄭定高棟王恭陳亮諸人賡咏尤就於耕故號耕犁嘗曰吾拙於進取而惟犁鋤之是就安於蹇窮而惟稼穡之是務方吾犁之在手也茫乎其無思熙乎其自治不啻執圭秉璧之樂而運斤游刃之適也所著有就犁卷藏於家

鄭閻字公望閻縣人永樂中登進士第自乞典學校遂授安陸州學正改無爲州遷廣信府學教授所至師道尊嚴作人爲多致仕卒閻性質直剛毅嫉惡不少假借居官三十餘年囊無餘貲其學精於禮記旁及子史醫歷之書時與林誌齊各有抑齋集

鄭英字伯華俠六世孫幼純篤事親孝謹父年老病劇英請於東嶽行祠求以身代父病隨愈越數載父卒哀毀踰禮既葬舉明經以母老辭母數遭疾英侍湯藥未嘗解帶

親爲滌溺器及母卒竭資瘞營葬復以明經孝弟舉授廣西南寧府經歷卒

鄭懋中名薛以字行晉江人領應天丙子鄉薦擢知程鄉縣治先禮義不尚法律民謠之曰鄭懋中眞長者禁令不煩徭役寡斯民相見何嬉嬉昔日無羊今有馬初程鄉民鮮知學懋中始作新學校親爲生徒講解自是始有進士登第者一日感疾戒其子具湯沐正衣冠端坐而逝民哀慕之

鄭復宣本忠子舉永樂丙戌進士選翰林庶吉士讀中秘書鈞纂精微預修永樂大典應制賦白鹿稱旨授禮部主事陞員外郎郎中太僕少卿引年歸雍言舉乙未進士亦改庶吉士授中書舍人仁宗監國屢命賦詩頌刻立就尋命署禮部尚寶司及六科事上嘉曰卿不獨文詞典雅作

氏姓譜

卷一百二十六

二十四

鄭氏

六

字端楷嚴密甚類爲人陞河南按察僉事宣宗御極雅重其名留直文華殿日備顧問陞太常少卿兄弟友恭無愧家學人稱二難

鄭述字季述閩人少負力學永樂十九年登進士授刑部主事宣德中以公事坐累調惠州府通判爲政端平清訟牒均徭賦禁暴繩亂民不敢犯政聲大著正統初擢知南雄府重新郡縣廟學每五日輒一戾學宮視諸生所業而激勸之士風爲之一變十二年致仕郡民乞留不果尋卒

鄭照字孔昭閩人性鯁介不苟阿隨正統間授安遠令未幾以憂遣起復改德安爲政以節用愛人爲主一錢不妄費一民不輕用終照之任邑無失政無冤民焉持身皎如玉雪時都御史韓雍巡撫江西稱照爲廉官第一致仕歸郡人柯內翰潛遺之詩有云閑因投笏早貧爲守廉

鄒顏子樂三韭果之賢人以爲實錄云卿大夫士私諡之曰清介先生

鄒一初字朝朔揭陽人幼穎敏而確有大志宏治十八年進士以病歸養晦紫陌山閉門却掃日講正學時有持千金囑之事者一初艷然曰名義至重鬼神難欺遂此之後爲雲南道監察御史風紀克振聞王陽明講學遂師事焉屢貽書教子弟安分力學疏歸卒於杭

鄒夢眉金谿人崇正十三年以舉人授四川南部令殫心撫字民彝帖服張獻忠方肆屠掠又聞京師陷懷宗殉社稷北向長跪再拜畢正衣冠投環而絕合室死難十餘人部民聚哭爲立祠祀焉

鄒雅字仲平上饒人以監生調和鄉簿之官以一僕自隨每與令長部使者爭不便面頸時時發赤繼判安節奏蠲氏姓譜 卷百二十六 二十四歲 鄭氏 九

適稅病革戒僕飭後具無受賻歸裝一弊篋朝祭服外家訓十四條而已孫毅舉進士累官都御史以治行聞

鄒述字世美閩縣人嘉靖庚戌進士仕至江西參議祖琳居官剛介人目爲鄭硬頭述有祖風亦不能俯仰於人時相嚴嵩奪民漑田湖塘來訴者幾千人述命各荷鍤以從頃刻開掘以還於民嵩怒甚人皆危之未幾嵩敗述得無恙

鄭曦字信卿南京驍騎衛人宏治進士授新喻令以循良被徵遷刑部主事歷郎中出知南昌府始至宸濠氣焰薰灼曦獨不附歲時宴遣一無所與其羣小不法輒問遣凡百需索峻拒之濠積恨既深遂誣奏下獄煅煉瀕死及變作猶械繫於舟曦乘間脫身登岸以所獲馬奔獻都御史王守仁守仁慰勞之委以原職守城因備陳賊情後擢河

東鹽運使

鄭溥南安人由進士爲無錫令訪知其禮俗所由壞因示民以奢敗儉存戒禁明白自以裁減一身服御爲率至其張具上官館遇過客俱酌豐約之中曰勞民以悅人非吾心也暇則與士大夫接歡卒莫敢撓以私秩滿陞南京戶部主事揚州直分司權舟有大小二關舊皆征之溥往司權通小關恣舟行而國計仍足後擢雲南知府丁憂家居卒年五十六

鄭節字從倫貴溪人舉進士授南臺御史出按畿甸以風裁稱憲廟初進所爲明良錄語頗觸諱賴優容得賜還構草峯書院講學於其中著禮傳八十卷續真西山政經二卷發明朱子家禮作家禮畧二卷

鄭隆字德隆浮梁人洪武進士授行人出使有能聲還陳氏姓譜

卷百二十六

二十四

鄭氏

三

時弊十事擢廣東僉事平反冤獄又遷山西參議改廣西暨乞歸妻於舟中語之曰君宦久妾只得一金環隆索觀而嘆曰吾生平與汝無愧於心又何用此卽投水中聞者就其地建棄金亭

鄭惇典字維勅侯官人宋萍鄉知縣鄭強裔孫也爲袁州知府嚴毅清慎律諸士以禮時勤課閱修整聖殿繕葺明倫堂節治祭器虔供祀典尤重農務盡力溝洫一切政事具舉僚屬士民兢兢奉法又樂其寬仁云

鄭朝棟號二水醴陵人萬歷中由鄉薦官臨江同知精練明敏姦宄屏息四視邑篆俱有惠政丙辰沙河堤決臺司委督其事度形勢均工役木石畚鍤之具親先調度隄成堅固至今賴之仕至貴州布政

鄭一龍字于田惠安人嘉靖間爲按察司撫彙僉事時古

田不靖報謀紛拏一龍搜諸掌故得其沿革作撫彝志自東西四鄉及古田全灌諸哨無不悉心經畫著爲公令施行自是盜賊斂迹後爲副使兵備擢參政告歸

鄭春浙江仁和人由歲貢天啓間知平樂縣正已愛民蒞任七載撫字催科俱有方法民得暇力勤於耕種頻獲有年捐鹽羨以助遼餉積公餘以造浮橋堂無爭訟之譁野無追呼之擾擢州守去士民攀轅不獲請崇祀名宦作逢年亭以寄思慕焉

鄭伉字孔明常山人爲諸生試有司不偶卽棄去師吳與彌辭歸日究諸儒論議一切折衷於米子事親孝設義學立社倉以惠族黨所著易義發明讀史管見觀物餘論蛙鳴集多燼于火

歷代列女

氏姓譜

卷百三十六

二十

鄭氏

三

鄭孝女兗州瑕邱人父神佐爲官兵戰死慶州時母已亡又無兄弟女時年二十四卽剪髮毀服身護喪還鄉里與母合葬廬墓下手樹松栢成林初許適牙兵李元慶至是謝不嫁大中中兗州節度使蕭俶狀於朝有詔旌表其閭鄭紹蘭唐鄭行先之女也適巨商任宗任宗賈於湘中數年不歸紹蘭偶見雙燕戲於梁間長吁而語燕曰我婿客久弗歸不通音耗死生存亡未可知也欲憑爾翼附寄一書言訖淚下燕子飛鳴上下似有所諾紹蘭遂吟詩一首云我婿去重湖臨意泣血書殷勤憑燕翼寄與薄情夫繫於其足燕得詩飛鳴而去任宗時在荊州忽見一燕飛鳴泊於肩上足有青解而視之乃妻所寄也遂感泣而歸鄭氏唐朝散郎陳邈之妻也鄭賦性聰敏幼好讀書長益不倦每覽先聖垂言前賢行事未嘗不三復撫躬而欲善

餘芳步遺躅焉唐永平間鄭之女姪策爲永王妃鄭慮其少長閨闈不閑詩禮欲教以爲婦之道申以執巾之禮乃述經史正義祖漢曹大家之言編女孝經一十八章各爲篇目一如孝經章體因作表奏聞大畧謂天地之性貴剛柔夫婦之道重禮義仁義禮智信者是謂五常五常爲主者實在於孝夫孝者感鬼神動天地精誠至貫無所不達上至皇后下及庶人不行孝而成名者未之有也後其書大行於世家庭之間大有補益

鄭氏拾遺元稹母滎陽縣太君也寬厚性成持家二十五年專用訓誡去鞭朴正顏色以訓婦女出辭氣以訓子孫婢僕終歲不聞忿爭聲自童孺以逮成人曾不識捶楚閨門之內熙若太古蓋漸於化云

鄭氏余洪敬妻有殊色南唐將查文徽平建州鄭爲亂兵

氏姓譜

卷百二十六

二十四敬

鄭氏

三

所掠獻於裨將王建封欲犯之鄭不從脇以利刃不屈曰願早充君之庖建封以獻文徽亦欲犯之鄭罵曰王師弔伐凡義夫節婦宜旌賞以勵俗王司徒出於卒伍不識禮義無足怪君侯知書爲國大將當有表率亦欲加非禮於一婦人願速殺文徽大慚求其夫歸之

鄭氏永豐人歐陽觀妻修之母也年二十九守節修方四歲鄭親誦之學家貧至以荻畫地學書修後以文章忠節名天下鄭以子貴累封越國太夫人仁宗初進號魏國太夫人壽七十二祔崇國公合葬瀧岡

鄭夫人金胡沙虎自稱監國都元帥以兵逼金主出宮乘

素車至衛邸錮守之夫人鄭氏爲內職掌寶璽胡沙虎欲

除拜其黨遣黃門入收璽鄭氏曰璽天子所用胡沙虎人

臣取將何爲黃門白言天時大變主上猶且不保況璽乎

御侍嘗思自脫計鄭氏厲聲罵曰若輩宮中近侍恩遇尤隆君難不以死報之反爲逆豎奪璽邪我死可必璽必不可得也瞑目不語黃門乃還

鄭氏羅山人元太尉中書平章政事李思齊妾元末汝穎兵起思齊率義兵屢復郡縣授汝寧知府後以太尉守關陝天兵入關思齊走臨洮後內附授江西行省左丞陞中書平章政事卒鄭氏自經死事聞追贈淑人諡曰貞

鄭氏名允端施伯仁妻也允端嘗題耕牧圖云幽人薄世味畊牧山之陰自抱村野姿嘗懷畎畝心行行南山歌落梁甫吟掛書牛角上揮鋤瓦中金飽飯黃昏後力田春雨深四體勤樹蔬三生悟浮沉巢父世所尙德公人所欽伊人去已遠高風邈難尋撫卷空太息俯仰成古今

鄭氏貢生潮之女適高相儒生子岑未週歲儒故氏年二

氏姓譜

卷百二十六

千四敬

鄭氏

三

十四或勸之嫁氏正色曰吾公翁皆詩禮家自幼習聞婦人從一而終豈肯事二姓邪守節撫孤備嘗艱苦鄉評推重卒年七十二萬歷二十八年有詔旌表巡撫趙匾其門曰節凜冰霜

鄭氏安陸趙鈺妻性剛烈閨房中言動不涉非禮某寡婦更適人饋以茶餅鄭怒命傾之夫戲曰若勿罵幸夫不死耳鄭正色曰君勿憂我豈爲此者後鈺病將死迴視鄭瞪目不瞑鄭曰君得毋疑我乎卽自縊於牀榻鈺少甦回盼出泪而絕

鄭氏太康人年十六適邑人趙泰越一載趙役京師卒翁姑欲奪其志氏援髮誓曰生爲趙家人死爲趙家鬼姑卒墓前植樹有雙鳩來巢乳雛連年不去成化庚寅事聞特旌表其門

鄭氏字淑清莆田周則用妻也夫沒時年二十僅生二女誓無他志或諷以無子厲聲答曰子可無身可失乎其家素富綜理有方僕婢莫敢或二以夫之兄子越爲嗣越亦早死孫軫方九齡務調護教督之及軫薦於鄉鄭年八十有二猶及見焉有司上其事詔旌褒之

鄭氏字淑慎莆田莊季妻也季沒鄭年二十五子幼姑老且病乃紡績以資湯藥姑沒脫簪鉿營宅兆有司具其事與季淑潔同聞於朝

鄭氏龍溪顏波妻年二十四而寡舅姑繼沒門至五喪鄭爲變產殯葬之父母憐其貧欲奪厥志鄭輒哭不食以死自誓年七十餘不改其初嘉靖十四年有司上其事詔旌表之

鄭氏青田人葉孔賓妻也孔賓以父卒於官迎喪覆舟死

氏姓譜

卷一百三十六

二十四

鄭氏

四

鄭年二十三遺子十月矢心自守妾何氏年尤少鄭謂之曰我守夫家汝無子宜自擇也妾曰主母旣以節守妾當奉承以全其節何以出爲相與同處年各八十餘時人謂之雙節

鄭氏名慶字宜春壬午年十八歸庠生彭餘璋及期夫病再期夫亡子方周晬宜春號哭抱持三日成殮淚盡不能言四日乃托其遺孤於兄文康潛自沉死年二十一有司以事聞詔其門曰貞烈

鄭氏常熟人夏恕妻恕爲四川布政抵重法鄭投身爲某指揮家婢主欲以爲妾義不從出金玉錦綺以誘之鄭曰此吾素所服御者主強之再乃曰吾受封夫人必擇日行禮至期則截其耳主驚命從其願遂爲尼終身

鄭氏名其倫高郵諸生崔士僕妻嫁三日而士僕以暴疾

卒葬之前一日鄭櫛沐更衣泣拜夫靈夜半聞戶縊死年二十一

鄭氏生員汪觀妻汪扶父柩於洛陽黃河水溢舟覆觀抱柩中流得病而死氏年二十痛夫孝亡矢志苦守五十餘年萬歷間撫院給匾賜帛

鄭妙真其父簪纓家惟產四女妙真十齡粗通孝經大義沈毅如成人諸女或與之狎輒厲聲叱之皆畏讐不敢近父奇之

鄭氏包謙妻林潼人父任杭課稅大使攜女隨任擇錢塘色謙歸之謙舉進士授行人卒於京遺孤光弼方五歲遂扶柩歸家貧勤女紅自給無間朝夕寒暑十指皆孥課子讀書焚膏盈勺竟始就寢或誦讀稍怠卽抱謙神主哭不絕聲子益奮勵應明經選官貴池縣訓導鄭年八十三始

氏姓譜

卷百二十六

二十四

鄭氏

三五

卒宏治初旌

鄭氏武陵人楊鶴妻鶴官三邊總督謫戍死崇正末流寇至武陵鄭率二妾走避遇賊叱令跪鄭曰我朝廷命婦肯跪賊邪謂二妾曰而等遭辱何以見而主地下兩妾俱伏劍死

鄭氏鄭路女也路昆仲有爲江外官者維舟江渚羣偷奄至卽以所有金帛羅列岸上而恣賊運取賊一不犯曰但得侍御小娘子足矣其女美色賊潛知之矣骨肉相顧不知所以答女欣然請行其賊卽以小舟載之而去謂賊曰君雖爲偷得無所居與親屬焉然吾家衣冠族也旣爲汝妻豈以無禮見逼若達所止一會親族以託好仇足矣賊曰諾又指所偕來二婢曰公旣以偷爲名此婢不當有爲公計不若歸吾家賊以貌美其言且順顧已無不可者卽

自鼓其棹乃載二婢而去女於是赴江而死

鄭氏鄱陽鄭松女山曜妻歸山氏踰年夫卒慟幾絕屢欲以死從救免其母覘其家寥落強受聘鄭給就浴室自緘其裏衣易以初嫁時鞋投繯而死

鄭氏彭澤鄭英長女畢彥昇妻年十八歸畢三月而夫亡遺腹生子仲遠鄭養老撫幼紡績為家終無他意洪武中詔旌其門

鄭氏鄆縣鄭雲女年十六歸鄆學禮次年生子同寅未週而學禮卒氏茹荼集蓼目不窺戶者五十年四書大義俱口授其子邑令胡夢泰贈額曰令德貞芳年七十八卒

鄭氏溫縣人孟景妻年十七適景二十三而景亡二子俱幼家且貧甘於守節父母憐其少寡議欲再適乃截髮自誓躬勤紡績以養舅姑撫育二子及舅姑沒竭力營葬哀

氏姓譜 卷一百二十六 平嚴 鄭氏 六

毀骨立守節四十九年始終無瑕玷有司以聞天順庚辰詔旌其門

湘鄉 蕭智漢雲澤氏纂輯 男秉信明甫氏校

去聲 二十四敬

孟氏

姬姓魯桓公子慶父之後也慶父曰共仲本仲氏亦曰仲孫氏為閔公之故諱弑君之罪更為孟氏亦曰孟孫氏又衛有公孟縶之後亦曰孟氏齊有孟軻字子車秦有孟說齊有仲孫湫韓子有仲孫章

歷代名賢

孟公綽魯大夫性寡欲孔聖嘗曰為趙魏老則優不可以為勝薛大夫

孟之反名側魯大夫孔聖嘗稱其不伐 孟氏

孟之名軻字子輿鄒人也受業子思之門人道既通游事

齊宣王宣王不能用適梁梁惠王數敗于軍旅卑禮厚幣以招賢者鄒衍淳于髡孟子皆至梁梁惠王曰寡人不佞兵三折于外太子虜上將死國以空虛以羞先君宗廟社稷寡人甚醜之叟不遠千里辱幸至敝邑之廷將何以利吾國孟子曰君不可以言利君欲利則大夫欲利大夫欲利則庶人欲利上下爭利國則危矣為人君仁義而已矣何以利為梁惠王謀欲攻趙孟子稱太王去邠此豈有意阿世俗苟合而已哉持方柄欲內圓鑿其能入乎梁惠王不果所言則見以為迂遠而濶于事情當是之時秦用商君富國強兵楚魏用吳起戰勝弱敵天下方務于合從連橫以攻伐為賢而孟子乃述唐虞三代之德是以所如不

合退而與萬章之徒序詩書述仲尼之意作孟子七篇
孟賁齊人勇士也能生拔牛角秦武王好多力士賁往歸
之過河先其五船人怒而以楫樯其頭顧不知其爲孟賁
也至中河賁瞑目而視船人髮直目裂髮捐舟中之人盡
揚旆入于河使船人知爲孟賁弗敢直視涉無先者又况
于辱之乎此以不知故也

漢

孟舒事趙王敖從王至長安高祖召見與語漢廷臣無出
其右拜爲郡守文帝問田叔曰公知天下長者乎對曰雲
中守孟舒長者也

孟喜字長卿東海蘭陵人也父號孟卿善爲禮春秋授后
蒼疏廣世所傳后氏禮疏氏春秋皆出孟卿孟卿以禮經
多春秋煩雜乃使喜從田王孫受易喜好自稱譽得易家

氏姓譜

卷百二十七

二十四敬

孟氏

二

候陰陽災變書許言師田生且死時枕喜膝獨傳喜諸儒
以此耀之同門梁邱賀疏通證明之曰田生絕于施讎手
中時喜歸東海安得此事又蜀人趙賓好小數書後爲易
節易文以爲箕子明夷陰陽氣亡箕子箕子者萬物方蓂
茲也賓持論巧慧易家不能難皆曰非古法也云受孟喜
喜爲名之後賓死莫能持其說喜因不肯何以此不見信
喜舉孝廉爲郿曲臺署長病免爲丞相掾博士缺衆人薦
喜上聞喜改師法遂不用喜喜授同郡白光少子沛翟牧
子兄皆爲博士由是有翟孟白之學

孟嘗字伯周會稽上虞人也其先三世爲郡吏並伏節死
難嘗少修操行仕郡爲戶曹史上虞有寡婦至孝養姑始
年老壽終夫女弟先懷嫌忌乃誣婦厭苦供養加鳩其日
刑訟縣庭郡不加尋察遂結竟其罪嘗先知枉狀備言之

於太守太守不爲理嘗哀泣外門因謝病去婦竟冤死自是郡中連旱二年禱請無所獲後太守殷丹到官訪問其故嘗詣府具陳寡婦冤誣之事因曰昔東海孝婦感天致旱于公一言甘澤時降宜戮訟者以謝冤魂庶幽枉獲申時雨可期丹從之卽刑訟女而祭婦墓天應澍雨穀稼以登嘗後策孝廉舉茂才拜徐令州郡表其能遷合浦太守郡不產穀實而海出珠寶與交趾比境嘗通商販買糴糧食先時宰守並多貪穢詭人探求不知紀極珠遂漸徙于交趾郡界于是行旅不至人物無資貧者死餓于道嘗到官草易前弊求民病利會未踰歲去珠復還百姓皆反其業商貨流通稱爲神明以病自上被徵當還吏民攀車請之嘗旣不得進乃載鄉民船夜遁去隱處窮澤身自耕傭鄰縣士民慕其德就居止者百餘家桓帝時尚書同郡楊

氏姓譜

卷百二十七

二十四敬

孟氏

三

喬上書薦嘗曰臣前後七表言故合浦太守孟嘗而身輕言微終不蒙察區區破心徒然而已嘗安仁宏義耽樂道德清行出俗能幹絕羣前更守宰移風改政去珠復還飢民蒙活且南海多珠財產易積掌握之內價盈兼金而嘗單身謝病躬耕壟次匿景藏采不揚華藻實羽翮之美用非徒腹背之毛也而沈淪草莽好爵莫及廊廟之寶棄于溝渠且年歲有訖桑榆行盡而忠貞之節永謝聖時臣誠傷心私用流涕夫物以遠至爲珍士以稀見爲貴槩木朽珠爲萬乘用者左右爲之容耳王者取士宜拔衆之所貴臣以斗筲之姿趣走日月之側思立微節不敢苟私鄉曲竊感禽息亡身進賢嘗竟不見用年七十卒于家

孟敏字叔達鉅鹿人性剛直有剖決不仕嘗客居太原荷甌墮地弗顧而去郭泰見而問之敏曰甌已破矣視之何

益泰奇之因勸令學卒以成德三公徵辟並不屈

三國

孟光字孝裕河南洛陽人漢太尉孟郁之族靈帝末爲講部吏獻帝遷都長安遂逃入蜀劉焉父子待以客禮博物識古無書不覽尤銳意三史長于漢家舊典好公羊春秋而譏呵左氏每與來敏爭此二義光常譏譏讎昨先主定益州拜爲議郎與許慈等竝掌制度後主踐阼爲符節令屯騎校尉長樂少府遷大司農延熙九年秋大赦光于衆中責大將軍費禕曰夫赦者偏枯之物非明世所宜有也衰弊窮極必不得已然後乃可權而行之耳今主上仁賢百僚稱職有何旦夕之危倒縣之急而數施非常之恩以惠奸宄之惡乎又鷹隼始擊而更原有罪上犯天時下違人理老夫耄朽不達治體竊謂斯法難以經久豈具瞻

氏姓譜

卷百二十七

二十四敬

孟氏

四

之高美所望於明德哉禕但顧謝踧踖而已光之指摘痛癢多如是類故執政重臣心不能悅爵位不登每直言無所迴避爲代所嫌太常廣漢鐔承光祿勳河東裴雋等年資皆在光後而登據上列處光之右蓋以此也後進文士祕書郎郤正數從光諮訪光問正太子所習讀并其性情好尚正答曰奉親虔恭夙夜匪懈有古世子之風接待羣僚舉動出于仁恕光曰如君所道皆家戶所有耳吾今所問欲知其權畧智調何如也正曰世子之道在於承志竭歡旣不得妄有所施爲且智調藏于胸懷權畧應時而發此之有無焉可豫設也光解正慎宜不爲放談乃曰吾好直言無所迴避每彈射利病爲世人所譏嫌疑省君意亦不甚好吾言然語有次今天下未定智意爲先智意雖有自然然不可力強致也此儲君讀書寧當倣吾等竭力博

識以待訪問如博士探策講試以求爵位邪當務其急者
正深謂光言爲然後光坐事免官年九十餘卒

孟宗字公武江夏人仕吳爲令每得時物必以寄母不敢
先食母嗜笋冬時笋尚未生宗入林哀泣笋忽迸出聞母
亡犯禁委官得免死

晉

孟欽洛陽人也有左慈劉根之術百姓惑而赴之苻堅召
諸長安惡其惑衆命苻融誅之俄而欽至融留之遂大讎
郡徐酒酣目左右收欽欽化爲旋風飛出第外項之有告
在城東者融遣騎追之垂及忽然已遠或有兵衆距戰或
前有谿澗騎不得過遂不知所在堅末復見于青州苻融
尋之入于海島

孟嘉字萬年江夏鄆人吳司空宗曾孫也嘉少知名太尉

氏姓譜

卷百二十七

二十四敬

孟氏

五

庾亮領江州辟部廬陵從事嘉還都亮引問風俗得失對
曰還傳當問使亮舉塵尾掩口而笑謂弟翼曰孟嘉故是
盛德人轉勸學從事褚裒時爲豫章太守正旦朝亮裒有
器識亮大會州府人士嘉坐次甚遠裒問亮聞江州有孟
嘉其人何在亮曰在坐卿但自覓裒歷觀指嘉謂亮曰此
君小異將無是乎亮欣然而笑喜裒得嘉奇嘉爲裒所得
乃益器焉後爲征西桓溫參軍溫甚重之九月九日溫燕
龍山寮佐畢集時佐吏竝著戎服有風至吹嘉帽墮落嘉
不之覺溫使左右勿言欲觀其舉止嘉良久如廁溫令取
還之命孫盛作文嘲嘉著嘉坐處嘉還見卽答之其文甚
美四座嗟歎嘉好酣飲愈多不亂溫問嘉酒有何好而卿
嗜之嘉曰公未得酒中趣耳又問聽妓絲不如竹竹不如
肉何謂也嘉答曰漸近使之然一坐咨嗟轉從事中郎還

長史年五十三卒于家

孟陋字少孤嘉弟也少而貞立清操絕倫布衣蔬食以文籍自娛口不及世事未曾交游時或弋釣孤興獨歸雖家人亦不知其所之也喪母毀瘠殆于滅性不飲酒食肉十餘年親族迭謂之曰少孤誰無父母誰有父母聖人制禮令賢者俯就不肖企及若使毀性無嗣更爲不孝也陋感此言然後從吉由是名著海內簡文帝輔政命爲參軍稱疾不起桓溫躬往造焉或謂溫曰孟陋高行學爲儒宗宜引在府以和鼎味溫歎曰會稽王尙不能屈非敢擬議也陋聞之曰桓公正當以我不往故耳億兆之人無官者十居其九豈皆高士哉我疾病不堪相王之命非敢爲高也由是名稱益重博學多通長於三禮註論語行于世卒以壽終

孟姓譜

卷百二十七

二十四敬

孟氏

六

孟昶與弟覲並美風姿時人謂之雙珠

孟懷玉

孟懷玉平昌安邱人也高祖珣晉河南尹祖淵右光祿大夫父綽義旗後爲給事中光祿勳追贈金紫光祿大夫世居京口宋武帝東伐孫恩以懷玉爲建武司馬豫義旗從平京城進定京邑以功封鄱陽縣侯食邑千戶武帝鎮京口以懷玉爲鎮軍參軍下邳太守義熙三年出爲寧朔將軍西陽太守新蔡內史除中書侍郎轉輔國將軍領丹陽府兵戍石頭盧循逼京邑懷玉於石頭岸連戰有功爲中軍諮議參軍賊帥徐道覆屢欲以精銳登岸畏懷玉不敢上及循南走懷玉與眾軍追躡直至嶺表徐道覆屯結始興懷玉攻圍之身當矢石旬月乃陷仍南追循循平又封陽豐縣男食邑二百五十戶復爲太尉諮議參軍征虜將軍

軍八年遷江州刺史尋督江州豫州之西陽新蔡汝南潁州司州之松滋六郡諸軍事南中郎將刺史如故時荊州刺史司馬休之居上流有異志故授懷玉此任以防之十一年加持節丁父艱懷玉有孝性因抱篤疾上表陳解不許又自陳弟仙客出繼喪主惟已乃見聽未去任其年卒于官時年三十一追贈平南將軍

孟龍符懷玉弟也驍果有膽氣幹力絕人少好游俠結客於閭里早爲武帝所知既克京城以龍符爲建武參軍江乘羅落覆舟三戰並有功參鎮軍軍事封平昌縣五等子加寧遠將軍淮陵太守與劉藩向彌征桓歆桓石康破斬之除建威將軍東海太守索虜斛蘭索度真侵邊彭沛騷擾武帝遣龍符建威將軍道憐北討一戰破之追斛蘭至光水溝邊被劄奔走武帝伐廣固以龍符爲車騎將軍加

氏姓譜 卷百二十七 二十四敬 孟氏 七

龍驤將軍廣川太守統步騎爲前鋒軍達臨朐與賊爭水龍符單騎衝突應手破散卽據水源賊遂退走龍符乘勝追逐後騎不及賊數千騎圍繞攻之龍符奮稍接戰每一谷輒殺數人衆寡不敵遂見害時年三十三武帝深加痛悼追贈青州刺史

孟業字敬業鉅鹿安國人家本寒微少爲州吏性廉謹同寮諸人侵盜官絹分三十疋與之拒而不受魏彭城王韶拜定州除典籤長史劉仁之謂業曰我處其外君居其內同心戮力庶有濟乎未幾仁之徵入爲中書令臨路啟韶云殿下左右可信任者惟有孟業願專任之餘人不可信也又與業別執手曰今我出都君便失援恐君在後不自保全惟正與直願君自勉業惟有一馬因瘦而死韶以業家貧令州府官人同食馬肉欲令厚償業固辭不敢韶乃

戲業曰卿邀名人也對曰業以微細伏事節下既不能裨益寧可損敗清風後神武書與韶云典籤姓孟者極能用心何不置之目前韶神武之婿也仁之後爲兗州臨別謂吏部崔暹曰貴州人士惟有孟業宜銓舉之他人不可信也崔暹問業曰君往在定州有何政績使劉西兗如此欽歎答曰稟性愚直惟知自修無他長也天保初清河王岳拜司州牧聞業名行復召爲法曹業形貌短小及謁見岳心鄙其眇小笑而不言後尋業斷決之處乃謂業曰卿斷決之明可謂有過軀貌之用尋遷東郡守以寬惠著其年麥一莖五穗其餘三穗四穗共一莖合郡人以爲政化所感尋以病卒

孟信字修仁廣川素盧人也家世貧寒頗傳學業信嘗曰窮則變變則通吾家世傳儒學而未有通官當由儒非世

氏姓譜

卷百二十七

二十四敬

孟氏

八

務也遂感激棄書從軍永業未除奉朝請從孝武帝入關封東州子趙平太守政尙寬和權豪無犯山中老人曾以純酒饋之信和顏接引殷勤勞問乃自出酒以鐵鑊温之素木盤盛蕪菁菹惟此而已又以一錯借老人但執一盃各自斟酌申酬酢之意謂老人曰吾至郡來無人以一物見遺今卿獨有此餉且食菜已久欲爲卿受一純醕耳酒既自有不能相費老人大悅再拜擊純進之酒盡方別及去官居貧無食惟有一老牛其兄子賣之擬供薪米券契已訖市法應知牛主住在所適信從外來見買牛之人方知其賣也因告之曰此牛先來有病小用便發君不須也杖其兄子二十買牛人嗟異良久呼信曰孟公但見與牛未必須其力也苦請不得乃罷買牛者周文帝帳下人周文深歎異焉未幾舉爲太子少師後遷太子太傅儒者榮

之特加車騎大將軍儀同三司散騎常侍詔老請退周文
不奪其志賜車馬几杖衣服牀帳卒于家贈冀州刺史諡
曰戴子儒

孟威字能重河南洛陽人頗有氣尚尤曉北土風俗歷東
官齊帥羽林監時四鎮高車叛投蠕蠕魏孝文詔威曉喻
禍福追還逃散分配爲民後以明解北人之語敕在著作
以備推訪永平中自鎮遠將軍前軍將軍左右直長加龍
驤將軍出使高昌還遷城門校尉直閣將軍沃野鎮將正
光初蠕蠕主阿那瓌歸國詔遣前郢州刺史陸希道兼侍
中爲使主以威兼散騎常侍爲副遠畿迎接阿那瓌之還
國也復以威爲平北將軍光祿大夫假員外常侍爲使主
護送之前後頻使遠蕃粗皆稱旨復加撫軍將軍普泰中
除大鴻臚卿尋加驃騎大將軍左光祿大夫天平三年卒

氏姓譜

卷百二十七

三四敬 孟氏

九

贈使持節侍中本將軍都督冀瀛滄三州諸軍事司空公
冀州刺史子恂嗣

孟表字武達濟北蛇邱人也自云本屬北地號索里諸孟
青徐內屬後表因事南渡仕蕭鸞爲馬頭太守太和十八
年表據郡歸誠除輔國將軍南兗州刺史領馬頭太守賜
爵譙縣侯鎮渦陽後蕭鸞遣其豫州刺史裴叔業攻圍六
十餘日城中食盡惟以朽草及草木皮葉爲糧表撫循將
士戮力固守會鎮南將軍王肅解義陽之圍還以救之叔
業乃退初有一南人自云姓邊字叔珍攜妻息從壽春投
表云慕化歸國未及送闕便值叔業圍城表後察叔珍顏
色頗疑有異卽加推覈乃云是叔業姑兒爲叔業所遣規
爲內應所攜妻子並亦假妄表出叔珍於北門外斬之於
是人情乃安魏孝文嘉其誠績封汝陽縣開國伯邑五百

戶遷征虜將軍濟州刺史爲散騎常侍光祿大夫進號平西將軍宣武末降平東將軍齊州刺史延昌四年卒年八十一贈安東將軍兗州刺史諡曰恭

孟蘭疆天水白石縣人四世同居行著州里詔標榜門閭

傳

孟簡字幾道德州平昌人曾祖詵武后時同州刺史簡舉進士宏辭連中累遷倉部員外郎王叔文任戶部簡以不附離見疾不敢顯黜宰相韋執誼爲徙它曹元和中爲諫議大夫知匭事韓泰韓晁之復刺史吐突承璀爲拓討使簡固爭詣延英言不可狀以悻切出爲常州刺史州有孟漬久淤闕簡治導溉田凡四千頃以勞賜金紫召爲給事中代李遜爲浙東觀察使遜抑士族右編人至橫恣不檢及簡一反之農估兼受其弊時謂兩失之以工部侍郎召

氏姓譜

卷百二十七

二十四敬

孟氏

十

還初使府得代詔至署留後卽行李脩觀察浙西始請留故使交政及簡還半道堂牒還之如例乃聽解進戶部加御史中丞戶部有二員判使按者居別一署謂之左戶元和後遷委華重宰相多由此進崔羣旣相而簡代之簡尤工詩聞江淮間尙節義與之交者雖沒視恤其孤不少衰孟詵擢進士第累遷鳳閣舍人出爲台州司馬頻遷春官侍郎相王名爲侍讀拜同州刺史神龍初致仕居伊陽山治方藥唐宗名將用之以老固辭賜物百段名河南春秋給羊酒糜粥尹畢構以詵有古人風名所居爲子平里開元初卒年九十三詵居官以治稱其閒居嘗語人曰養性者善言不可離口善藥不可離手當時傳其當

孟郊字東野湖州武康人少隱嵩山性介少諧合韓愈一見爲忘形交年五十得進士第調溧陽尉縣有投金澗

陵城林薄蒙翳下有積水郊間往坐水旁徘徊賦詩而曹務多廢令白府以假尉代之分其半俸鄭餘慶爲東都留守署水陸轉運判官餘慶鎮興元奏爲參謀卒年六十四張籍諡曰貞曜先生郊爲詩有理致最爲愈所稱然思苦奇澀李觀亦論其詩曰高處在古無上平處下顧二謝云孟浩然字浩然襄州襄陽人少好節義喜振人患難隱鹿門山年四十乃游京師嘗於太學賦詩一座嗟伏無敢抗張九齡王維雅稱道之維私邀入內署俄而元宗至浩然匿牀下維以實對帝喜曰朕聞其人而未見也何懼而匿詔浩然出帝問其詩浩然再拜自誦所爲至不才明主棄之句帝曰卿不求仕而朕未嘗棄卿奈何誣我因放還採訪使韓朝宗約浩然偕至京師欲薦諸朝會故人至劇飲歡甚或曰君與韓公有期浩然此曰業已飲違恤它卒不

氏姓譜

卷百二十七

二十四

孟氏

十一

赴朝宗怒辭行浩然不悔也張九齡爲荊州辟置于府府罷開元末病疽背卒後樊澤爲節度使時浩然墓庫壞符載以牋叩澤曰故處士孟浩然文質傑美頽落歲久門裔陵遲邱隴頽沒永懷若人行路慨然前公飲更築大墓闢州緝紳聞風竦動而今外追軍旅內勞賓客牽耗歲時或有未遑誠令好事者乘而有之負公夙志矣澤乃更爲刻碑鳳林山南封寵其墓初王維過鄂州畫浩然像于刺史亭因曰浩然亭咸通中刺史鄭誠謂賢者名不可斥更署曰孟亭

孟雲卿平昌人與元結同鄉里以辭學相友登進士授校書郎生平好古其詩祖述沈千運又漁獵陳子昂詞氣傷古怨者之流當今古調無能出其右者高仲武爲著格律門論及譜二篇以攝其體貌與彭澤孫陶岷焦遂孟彥琛

趙遊江湖云

孟彥琛字士源進士天寶末爲武昌令嘗黜官無情于進
與元結同游退谷泛杯湖作詩美之

孟瑄郴州元和中進士嘗著嶺南異物志韓愈送瑄序云
今年秋見孟氏子瑄於郴州甚少禮甚度手甚文一篇甚
鉅退披其篇以讀之盡其書無有不能其見重如此

五代

孟資于字國儀連州人仕終水部員外郎能詩有金鰲集
陳堯佐爲序稱其如百丈懸流洒落蒼翠間清雄奔放望
之豎人毛骨五代詩人未有過之者

孟貫字一之建安人少好學游廬山以禮義文章節儉爲
當時師範人稱孟子仕於周

宋

氏姓譜

卷百二十七

二十四敬

孟氏

十二

孟宗政字德夫絳州人父林從岳飛至隨州棗陽因家焉

自幼豪偉有膽畧起家土豪嘗出沒疆場間未嘗學兵法

而暗與之合好賢樂善出于天性有功者怨必賞有罪者

親必罰開禧二年金將完顏董犯襄陽與扈再興陳祥蹠血以

奪其輜重宣撫吳玠奇之補永節副趙方吳柔勝皆薦其

才轉秉義郎京西鈐轄駐劄襄陽與扈再興陳祥蹠血以

戰金兵敗走尋報棗陽圍急宗政午發峴首遲明抵城馳

突如神金人駭遁方聞大喜差權棗陽軍初視事一僕犯

令立斬之軍民股栗益築隄積水修治城堞簡閱軍士金

帥賽不擁步騎圍城與再興合兵角敵敗之于尙家川歷

三月大小七十餘戰身先士卒募壯士乘間突擊伏兵城

東金人盛兵薄城宗政隨方力拒再至再北適隨守許國

援師至白水鼓聲相聞宗政率諸將出來攻敵大奔潰賜

金帶轉武德郎次年詔可復擁步騎傳城募砲手擊之一
砲輒殺數人金選精騎二千號弩子手擁雲梯天橋先登
陷城穴地道宗政皆隨計設備禦之矜勇士以長鎗勁弩
擣其衝以長戈舂其喉自朝至晷死傷踵接梯橋盡燬金
人連不得志俄乘順風渡濠飛脂葦燒戰柵將士血戰凡
十五陣殲金兵千餘弩子手十七八射其都統殪之會王
大任領銳卒一千旨重圍轉鬪入城內外合勢士氣大振
賈勇入金營自晡至三更橫屍徧地奪印十有六紐詔可
棄帳走獲輜重牛馬萬計升武功大夫兼闔門宣贊舍人
重賜金帶制置司以湖陽縣迫敵境檄宗政圖之一鼓而
拔禽其千戶趙興兒燔積聚填營砦俘掠以歸金人自是
不敢來窺襄漢棗陽尋代許國爲荆鄂都統制仍知棗陽
敵迫濠而陣乃于西北濠外瀦水爲潭以限敵騎威行境

氏姓譜

卷百二十七

二十四

孟氏

三

外中原遺民歸者不可勝數皆發廩以贍荆屋與居籍其
勇壯二萬餘人號忠順軍轉右武大夫團練防禦使以病
疽卒邊人罷市慟哭于璟琪瑛璋皆任兵官

孟琪字璞玉屢以功補進勇副尉詔可來攻棗陽琪登城
射却之宗政命琪取間道劫金營破砦十八斬首千餘級
大獲軍器以歸升下班祇應入謁制置使趙方奇之辟光
化尉轉進武校尉授承信郎父憂起復歷成忠忠翊二郎
差峽州兵馬押監兼在城巡檢京湖制置司差提督虎翼
突騎軍馬又辟京西第五副將權管神勁左右軍統制代
江海總父所招忠順軍士分其軍爲三衆乃帖然紹定元
年琪白制司荆平堰于棗陽自城至軍西十八里由八疊
河經漸水側水跨九阜建通天槽八十三丈溉田十萬頃
立十莊三轄使軍民分屯歲收十五萬石又命忠順軍家

自畜馬官給芻粟馬益蕃息二年升京西第五正將棗陽軍總轄明年差京西兵馬都監母憂起復京西兵馬鈐轄駐劄棗陽仍總三軍六年元將那顏俺蓋追金主完顏守緒逼蔡徽拱成鄂討金唐鄧行省武仙仙時與武天錫及鄧守移刺瑗相犄角欲迎守緒入蜀犯光化鋒剽甚天錫本鄧農夫乘亂聚衆二十萬爲邊患拱逼其壘一鼓拔之壯士張子良斬首以獻俘其將士授江陵副都統制賜金帶制司檄問邊事拱謂金人若何呂堰則八千人不爲少然須木查騰雲呂堰等砦皆受節制乃可濟已而果犯呂堰珙喜曰吾計得矣亟命諸軍追擊呂堰進逼大河退逼山險砦軍四合金人棄輜重走斬獲甲士馬牛橐駝不可勝計瑗遣部曲馬天章奉書請降盡獻鄧之縣鎮戶口官吏馬步軍迎珙入城瑗伏階下請死珙爲易衣冠以賓禮

氏姓譜

卷百二十七

二十四

孟氏

古

見金順陽令季英亦以縣降申州安撫張林以州降珙言于制司歸附之人宜各因其鄉土而使之耕因其人民而立之長少壯籍爲軍才能者分以土地任以職使各招其徒固守且殺敵勢七月巳酉仙將劉儀領壯士二百降珙問虛實儀言仙所據九砦其大砦石穴山以馬蹬沙窩砦山三砦蔽其前三砦不破石穴未易圖也若先破離金砦則王子山砦亦破砦山沙窩孤立三帥成禽矣珙翼日遣兵向離金盧秀執黑旗帥衆入金不疑爲宋軍因分據巷道大呼縱火掩殺幾盡是夜壯士楊貴等擣王子山砦護帳軍酣寢王建入帳中斬金將小元帥首丙辰出師馬蹬遣樊文彬攻其前門成明等邀截西路一軍圍乾石烈一軍圍小總帥砦火燭天殺修山積逸去者復爲成明伏軍所得凡獲壯士老少萬二千三百師還至沙窩西與金人

遇復大捷是日三戰三克未幾丁順等又破黠候里砦琪
召儀問曰此砦既破板橋石穴必震汝能爲我招之平儀
曰晉德與花腿王顯金鎮撫安威故舊招之必來乃遣德
行威見德叙情好甚歡介德往見顯顯卽以書乞降德復
請琪遣劉儀候之顯軍五千猶未解甲琪令作棹柁陣入
周視良久乃去如素所撫循者饗以牛酒皆醉飽歌舞琪
料武仙必上岵山絕頂窺伺詰旦令文彬奪山駐軍其下
前設伏後遮歸路已而仙果引衆登山及半文彬麾旗伏
兵四起仙衆失措枕藉匡谷山爲之顛殺其將兀沙惹禽
七百三十人棄鎧甲如山薄暮琪進軍至小水河儀還具
言仙不欲降謀往商州依險以守琪曰進兵不可緩夜漏
十刻召文彬等受方畧明日攻石穴九砦蓐食啟行文彬
患積雨未霽琪謂此雪夜擒吳元濟時也策馬直至石穴

氏姓譜

卷百二十七

二十四敬

孟氏

五

分兵進攻自寅至巳九砦俱破仙走追及于鮎魚砦易服
而遁復戰于銀葫蘆山又敗仙與五六騎奔追之不見降
其衆七萬獲甲兵無算還軍襄陽轉修武郎鄂州江陵副
都統制元遣宣撫王檄約共攻蔡制置使謀于琪請以二
萬人行因命盡護諸將金二萬騎由真陽橫山南來琪鼓
行而前戰敗却走追至高黃陂斬首千二百級僞蓋遣兎
花岐沒荷過出阿悉三人來迓琪與射獵割鮮而飲馳入
其帳僞蓋喜結爲兄弟酌馬湏飲之約南北軍毋相犯僞
蓋遣萬戶張柔帥精兵五千入城金人鈞二卒以往柔中
流矢如蝟琪麾先鋒救之挾柔以出黎明進逼石橋鈞致
生俘郭山戰少却金人突至琪躍馬入陣斬山以徇軍氣
復張殊死戰進逼柴潭俘金人百有二斬首三百餘級翼
日命諸將奪柴潭樓拔之蔡人恃潭爲固外卽汝河潭高

於河五六丈城上金字號樓伏巨弩瑛謂麾下曰伏弩能及遠不可射近彼所恃此水耳決而注之澗可立待實以薪葦遂濟師獲其殿前副點檢温端璣之城下進逼土門金驅其老稚熬爲人油砲人不堪其楚端平元年正月辛丑黑氣壓城上日無光時城中絕糧已三月鞞鞞敗鼓皆糜煮聽以老弱互食及斬敗軍全隊拘其肉以食故欲降者衆瑛下令諸軍銜枚分運雲梯布城下已酉瑛帥師向南門至金字樓列雲梯馬義先登趙榮繼之萬衆競登大戰城上降其丞相烏古論栲栳殺元帥兀林達及偏裨二百開西門招倭蓋入守楮見城已危先取寶玉嶺小室環以草號泣自經烟焰未絕瑛等共分其骨得金鑑寶玉帶金銀印牌還軍襄陽特授武功郎主管侍衛馬軍行司公事建康府都統制留屯襄陽兼領鎮北軍俄令赴樞密院

氏姓譜

卷百二十七

二十四敬

孟氏

六

稟議授帶御器械兼知光黃二州厚資遣還朝辭上曰卿名將之子忠勤體國破蔡滅金功績昭著問恢復對曰願陛下寬民力蓄人才以俟機會問和議對曰臣介冑之士當言戰不當言和三年至黃增坤浚遑蒐訪軍實軍民來歸者厚加賑貸又慮兵民雜處因高阜爲齊安鎮淮二砦以居諸軍剗章家山母家山兩堡以居先鋒虎翼飛虎軍俄兼主管安撫司公事節制黃蘄光信陽四郡軍馬元兵攻蘄瑛遣兵解其圍又攻襄陽隋守張龜壽荆門守朱揚祖郢守喬士安皆委郡去復州施子仁死之江陵危急詔沿江淮西遣援衆謂無踰瑛者乃先遣張順渡江瑛以全師繼之元兵分兩路一攻復州一在枝江監利編筏窺江陵瑛變易旌旗服色循環往來夜則列炬照江數十里相接遣外弟趙武等進戰瑛自往節度破砦二十有四還民

二萬嘉熙元年封隋縣男擢高州刺史忠州團練使兼知江陵京西湖北安撫副使元將或沒解入漢陽境口溫不花入淮甸斬守張可大舒州李士達委郡去光守董堯臣以州降合三郡人馬糧械攻黃守王鑑帥萬文勝戰不利珙入城軍民大喜曰吾父來矣駐城樓指畫戰守卒全其城斬逗留者以徇御筆賞將士賜珙金盃白金珙分賜諸將士皆感泣二年春授寧遠軍承宣使鄂州江陵諸軍都統制置司松滋詔三軍勦勞趣其來上未幾授樞密副都承旨京西湖北路安撫制置副使督視行府參謀官兼知岳州檄江陵節制司擣襄郢是年張俊復郢州賀順復荆門軍十二月壬子劉全戰于冢頭戰于樊城戰于郎神山屢以捷聞三年曹文鏞復信陽軍劉全復樊城遂復襄陽授樞密都承旨改制置使兼知鄂州全遣譚深復光化軍

氏姓譜

卷百二十七

二十四敬

孟氏

七

息蔡降珙命以兵逆之得壯士百餘籍爲忠衛軍初詔珙收復荆襄珙謂必得郢然後可以通餽饟得荆門然後可以出奇兵由是指授方畧發兵深入所至以捷聞珙復奏取襄不難而守爲難襄樊朝廷根本今百戰而得之當加經理如護元氣非精兵十萬不足分守乃置先鋒軍隸以襄郢歸順人庚寅謀報元兵欲大舉臨江珙策必道施黔以透湖湘請粟十萬備給軍餉用二千人屯峽州千人屯歸州忠衛舊將晉德自光化來歸珙獎用之弟瑛以精兵五千駐松滋爲夔萬聲援遣于德興增兵守歸州隘口萬戶谷元兵自隨窺江珙密遣劉全拒敵遣伍思智以千人屯施州元大將塔海并秃雪帥師入蜀號八十萬珙增置營若分布戰艦遣張舉提兵間道抵均州防遏俄元兵渡萬州湖灘施夔震動珙兄璟時爲湖北安撫副使知峽州

兼以書謀備禦琪請于督府帥師西上環調金鐸一軍迎拒于歸州天瑛砦劉義捷于巴東之清平村琪弟瑋選精兵二千駐澧州防施黔路四年進封子條上流備禦宜爲藩籬三層乞朔制置副使及移闕外都統一軍於夔任涪南以下江面之責爲第一層備鼎澧爲第二層備辰沅靖桂爲第三層峽州松滋須各屯萬人舟師隸焉歸州屯三千人鼎澧辰沅靖各五千人柳桂各千人如是則江西可保又遣楊鼎張謙往辰沅靖三州同守倅曉諭熟蠻講求思播施黔支徑以圖來上會牒知元兵于襄樊隨信陽招集軍民布種積船材于鄧之順陽乃遣張英出隨任義出信陽焦進出襄分路撓其勢遣王堅潛兵燒所積材遣張德劉整分兵入蔡火其積聚拜寧武軍節度使四川宣撫使兼知夔州節制歸峽鼎澧州軍馬招集麻城縣巴河安

氏姓譜

卷百二十七

二十四敬

孟氏

十八

樂磯營公店淮民數百皆沿邊經戰之士號寧武軍令璋領之進封漢東郡侯兼京湖安撫制置使回鶻愛里八都魯帥壯士老稚人馬來降朔飛鶻軍改愛里名艾忠孝釐蜀政之弊爲五條班諸郡縣乃擇險要立砦柵集流離安耕種立賞罰以課殿最俾諸司奉行之又兼夔路策應屯田大使調夫築堰募農給種由歸峽至漢口爲屯二十爲庄百七十爲頃十八萬八千二百八十八上其始末與所減兵食之數降詔獎諭靖州徭林養良爲亂遣王瑀平之淳祐二年淮東受兵樞密俾琪應援遣李得帥精兵四千赴之子之經監軍謀知京兆府也可那延以騎兵三千經商州取鶻嶺闕出房州竹山遣王令屯江陵尋進屯郢劉全屯沙市提千人自荆門出齋十日糧取道南漳入襄與諸軍合元兵至三川琪下令應出戍主兵官不許失棄寸土

權開州梁棟乏糧請還怒其棄城使高達斬首以徇元兵
至瀘命重慶分司發兵應援遣張祥屯涪州庠檢校少保
進封漢東郡公珙言京湖有三憂其一沉之險不如辰靖
之險不如沅三州皆當措置而靖尤急今粒米寸兵無所
從出二江防上自秭歸下至壽昌巨二千里自公安至峽
州灘積凡十餘處隆冬水涸節節當防三今尺籍數虧既
守灘積又守關隘荆襄國之藩表如其有虞非但失一郡
當傾國爭之若非增兵入萬併力備禦雖韓白復生無所
展巧余玠宣論四川道過珙言重慶積粟少珙餉以屯田
米十萬石五年御筆以職事修舉轉行兩官許令回授移
鎮江陵既至登城歎曰江陵所恃三海已變爲桑田自城
以東直至三汊無所限隔敵一鳴鞭卽至城外乃修復內
隘十有一別作十隘於外漳水舊自城西入江因障而東

氏姓譜 卷百二十七 二十四敬 孟氏 九

之俾遶城北入于漢三海遂通爲一隨其高下爲置蓄泄
三百里間渺然巨浸土木之工百七十萬民不知役繪圖
上之尋乞歸不允初所招鎮北軍駐襄陽李虎王旻軍亂
鎮北亦潰歎曰三十年收拾中原人今志不克伸矣病遂
革六年九月朔大星隕于境聲如雷越戊午遂薨其夕大
風發屋折木帝震悼輟朝賻銀絹特贈少保三贈太師追
封吉國公謚忠襄廟曰威愛生平忠君體國之念可貫金
石在軍中與參佐部曲論事言人人異徐以片語折襄蒙
志皆愜值襄蜀蕩析士無所歸蜀士聚于公安襄士聚于
鄂渚乃作公安南陽兩書院以沒入田廬隸之使有所教
養請帝題其榜賜焉京襄死節死事之臣請于朝建祠岳
陽歲時致祭賜名閔忠廟謁客遊士老校退卒一以恩意
撫接建鼓旗臨將吏面色凜然無敢涕唾者退則焚香掃

地隱几危坐若蕭然事外遠貨色絕滋味其學邃於易六十四卦各繫四句各警心易贊亦通佛學自號無庵居十子之經任策應司都統兼知江陵

孟元字善長洛州人性謹愿少孤頗喜讀書與劉謙俱隸禁軍元以挽疆選補殿侍遷散都頭指揮至如京使并代兵馬鈐轄徙高陽真定等路討王則赴城下被數十創中機石墜濠中旣出戰愈力募死士由永濟渠穴地以進賊平改右驍驍使徙大名府路鈐轄河朔飢權知滄州民倚鹽活歲荒不售元度軍食有餘悉用易之得不轉徙中丞郭勸薦擢普州刺史遷宮苑使專管勾麟府軍馬事護築永寧堡敵不敢動歷遷并代大名府路副都總管徙定州鄜延路卒贈遂州觀察使

孟忠厚字仁仲隆祐太后兄封咸寧郡王彥弼之子后退

氏姓譜

卷百二十七

二十四號

孟氏

二十

居瑤華宮哲宗恩眷不衰故忠厚得以仕進宣和中官至將作少監靖康元年知海州召權衛尉卿金人圍城后宮火出居其家兵退張邦昌迎后聽政遣忠厚持書遺康王卽位授徽猷閣待制提舉迎后一行事務尋兼幹辦奉迎太廟神主事帝幸揚州除顯謨閣直學士后聞臺諫論列命易武秩授常德軍承宣使幹辦皇城司未幾奉太后幸杭州苗傅亂平推恩授寧遠軍節度使尋奉后幸南昌歸越丁母憂值后崩以祔廟恩起復鎮海軍節度使開府儀同三司大祥封信安郡王充禮儀使奉神御幸温州紹興九年判鎮江府改兼明婺二州安撫使又判紹興修奉攢宮事加少保三梓宮歸充迎護使及嘗佑陵秦檜當總護暉往除忠厚爲樞密使以代其行山陵事畢欲歸樞府檜復忌之諷言路引故事論列出判福州時每寇猖獗帝慮

不能弭患改判建康檜怒劾恩謝表有本無時才出爲世
用語中丞詹大方希意論其輕侮罷爲醴泉觀使檜死起
保寧軍節度使判平江遷紹興復充萬壽使提舉秘書省
卒贈太保三子皆除直秘閣親屬六人各進一官生平避
遠權勢奉太后訓不敢以私干朝廷帝以擁佑功眷之特
優賜田三十頃金使至特命押班且令月過局如宰執例
孟彥卿忠厚從父也頗知兵爲潭州通判建炎三年潭卒
叛自東門出帥臣向子諲命領兵追之已而招安其衆未
幾潰兵杜彥自袁州入瀏陽遂犯善化長沙二縣彥卿率
民兵拒之手殺數人賊勢挫退還瀏陽復與戰衆心不固
有自潰者賊遂乘之遇難支解持其首以駭所掠民兵曰
此善戰孟通判首也子諲更遣添差通判趙民彥赴之衆
推邑士謝淳才勇以爲前鋒鏖戰瀏陽城南依山爲陣殺

氏姓譜

卷百二十七

二十四敬

孟氏

二

傷甚衆有爲賊間者折其陣中認旗衆驚謂已遁遂潰民
彥爲賊所得淳亦力屈被執賊併殺之事聞並贈直龍圖
閣各官其家三人淳字景祥贈成忠郎官其子晞古朱熹
帥湖南請爲彥卿民彥立廟以淳侑之

孟程南昌人淳熙進士調襄陽監酒稅奉帥檄浚水渠溉
田數千頃知淑寧遠二縣皆正賦籍吏不敢欺邑計亦裕
遷臨江通判有諫交千餘篇自號冰雪林主人

孟猷字良輔忠厚孫猷嚴已恕物不立斤岸立朝無黨與
未嘗論人以同異之時歷婺州通判又知婺州四持使節
所至皆安其政令官至朝議大夫

孟安仁寶佑中知雷州修築堤渠沿渠之田增種七十餘
石民樂其利頌云拍堤白水皆侯澤連陌青禾盡福田其
爲民所愛如此

孟文龍字震翁吳人鄉國之裔昭慈太后爲世姪孫浙東
提舉當元兵壓吳文龍奮激與守臣議不合遂返災昭慈
廟國亡不出戶庭者三十年著易解大全三十卷

孟厚字敦夫洛陽人從程頤學獨處一室糞穢不治其精
專如此後頤之壟門人畏黨禍莫敢至獨厚與尹焞張繹
范杓邵溥送焉

孟祺字德卿宿州符離人當伯顏伐宋授祺爲行省諮議
諸將爭趨臨安伯顏問計祺曰若以兵相迫宋必竄閩一
日盜起臨安三百年之積焚蕩無遺莫若以計安之令彼
不懼正如取果稍得時日耳伯顏從其言祺自請爲使徵
降表至宋取宋國璽十二枚出伯顏將親封之祺曰管鑰
自有主者非所宜親一有不謹恐異時姦人妄相染汚終
氏姓譜 卷百二十七 二十四敬 孟氏 三

不可白遂止伯顏奏祺前後功累官浙東按察使

孟夢恂字長文台州臨海人與周仁榮同師事楊珏陳天
瑞夢恂講解經旨體認親切順帝至正中紅巾盜起豫陳
備禦策救鄉郡有功授宜興州判官未受命卒賜諡康靖
先生著性理本旨四書辨疑漢唐會要七政疑解及筆海
雜錄五十卷

孟昉字天緯本西域人寓居北平至正中由翰林待制官
南臺御史工書法有孟待制文集多歌曲精究聲韻之學

四

孟一脈字淑孔東阿人隆慶五年進士爲平遙知縣以廉
能擢南京御史疏陳時事五條疏入忤旨謫建昌推官累
遷南京右通政移疾歸後起爲右僉都御史巡撫南贛居
三年廷推右副都御史未得命以給事中應震論罷竟引

疾去年八十一卒

孟兆祥字允吉山西澤州人也世籍交河舉於鄉九赴會試天啟二年始擢第除大理左評事崇正初遷吏部稽勳主事歷文選員外郎門生謁選請善地兆祥正色拒之其人悚然退進稽勳郎中歷考功忤權要貶行人司副稍遷光祿丞進少卿歷左通政太僕卿旋進通政使拜刑部右侍郎賊薄都城兆祥分守正陽門襄城伯李國正統京營軍稽月餉不予士無固志城陷兆祥曰社稷已覆吾將安之自經于門下長子章明字綱宜甫成進士兆祥揮之曰我死汝可去對曰君父大節也君亡父死我何生爲乃投纒于父之側兆祥妻呂章明妻王相向哭既而曰彼父子死忠矣我二人獨不能死乎皆自縊兆祥贈刑部尙書諡忠貞章明贈河南道御史諡節愍

丘如訥

卷百二十七

二十四

孟氏

三

本朝賜兆祥諡忠靖章明貞孝

孟化鯉字叔龍河南新安人年十六慨然以聖賢自期舉萬歷八年進士授戶部主事時相欲招致之辭不往權稅河西務與諸生講學河西人尸祝之南畿山東大飢奉命往振全活多改吏部歷文選郎中佐尙書孫鑰黜陟名籍甚時內閣權重每銓除必先白化鯉獨否中官請託復不應以故多不悅都給事中張棟先以建言削籍化鯉奏起之忤旨奪堂官俸謫化鯉及員外郎項復宏主事姜仲軾雜職閣臣疏救命以原品調外頃之言官復交章救帝益怒奪言官俸斥化鯉等爲民旣歸築書院川上與學者講習不輟四方從游者恒數百人久之卒

孟秋字子成別號我疆在平人舉隆慶五年進士爲昌黎知縣有善政遷大理評事去之日老稚載道泣留以職方

員外郎督視山海關闕政久弛奸人出入自擅秋禁之嚴
中流言萬歷九年京察坐貶歸塗與妻孥共駕一牛車道
旁觀者咸歎息許孚遠嘗過謁秋造其廬見扉屋數椽書
吏狼籍其中歎曰孟我疆風味大江以南未有也後起官
刑部主事歷尙寶丞少卿卒秋旣沒廷臣爲請諡者章數
十上天啟初賜諡清憲孟化鯉自貢入太學卽與秋道義
相勗後爲吏部郎而秋官尙寶比舍居食飲起居無弗共
者時人稱二孟化鯉之學得之洛陽尤時熙而秋受業于
邑人張後覺時熙師曰劉魁後覺則顏鑰徐樾弟子也

孟希文字士煥亞聖五十六代孫也洪武元年詔以孟子
五十四代孫思諒奉祀世復其家思諒字友道于克仁字
信夫克仁子希文景泰三年授希文翰林院五經博士子
孫世襲卒子元字長伯宏治二年襲卒子公榮幼嘉靖二

氏姓譜

卷百二十七

二十四

孟氏

二四

年以元弟亨之子公肇襲公肇字先文少好學事繼母孔
氏以孝聞卒十二年仍以公榮襲公榮字豪文卒子彥璞
字朝璽隆慶元年襲卒子承光萬歷二十九年襲子宏譽
天啟三年襲卒子聞玉崇正二年襲

孟驥字尙德蕭縣人洪武初以才能舉累官禮部郎中治
績書最陞河南左參政益棘達政務遷四川左布政使任
滿夷民不釋復增秩留之後致仕

孟常洪武間石埭知縣撫字有方時邑民負租累歲無徵
常到任設法足之民獲安業考滿民慕其德赴京奏留之
孟淮成化間以戶部郎中陞運使淮累居財府能振清譽
時河東鹽賦歲征數十萬權得自專淮獨毅然援浙事體
具奏請御史監臨之

孟俊咸寧人由舉人成化八年任上杭知縣廉明有膽畧

爲治嚴而有則理禁剔蠹威行惠流吏畏而民悅之尤能
優禮學校敬老恤孤治行冠于列邑七年徵爲監察御史
巡按南畿復陞蘇州府知府改任鳳陽所在諱然有聲終
以布政司參政致仕

孟充字實夫高安人博洽書史爲文有理致出舉人授叙
州府學訓導陞福安縣知縣朝夕吟詠身與詩仇所著有
山樓集

孟麟字瑞魯曲阜人成化中舉進士授工部主事陞郎中
提督兩直隸水利奏興水利六事有侵河防占官湖者痛
懲之以法勢家不便陰爲之媒孽累官至陝西布政使司
左布政使

孟鳳字瑞周麟弟宏治間舉進士授監察御史陞懷慶府
知府教民濬渠溉田累官都御史總制北虜邊境寧輯轉
氏姓譜

卷百二十七

二十四敬

孟氏

三五

都漕事值徐淮大水武廟親征鳳區畫有方民不勞費累
遷刑部尚書卒贈太子少保諡文簡

孟洋字望之信陽人宏治乙丑進士授御史言事謫教授
歷都察院僉都御史督理糧儲聞母病不待報而歸歷大
理寺卿蒞官清勤事無凝滯工詩才思逸發有有涯集

孟雷字孔敬澤州人與兄霏同舉進士遷揚州府同知裁
革內使夫役逮獄改調雷州明敏卓犖剖決如流清苦自
若貪墨斂跡歷按察僉事

孟淮字豫州祥符人嘉靖戊戌進士歷官都御史巡撫山
西改應天府尹性抗直忤時歸素好詩歌有入蜀稿

孟常翻陽人詔求才守令以常應授蘇州昆山知縣改池
州建德建德租重天下逋欠者繫逮多常詣關死爭得如
他邑民感而祀之秩滿民上章請留

孟釗天順間延平知府剛正廉明汀寇起官兵道出延平者相絡繹需餉嚴甚釗區度有方秋毫不取於民民安堵如平時

孟琳涪州人正德中臨武典史猥入寇遂解廷議征討徵士狼兵多不輯將入闕琳貫甲綽刃諭之曰有敢掠者視此刃卒無所犯主帥聞其勇勦琳統隊赴轅以兩後期論死將刑琳色不爲動嘆曰死矣惜無後爾主帥壯之從末減竟斃杖下

孟津字伯道涿州人操守廉潔弭盜安民稱一時循良最實心實政得之理學者爲多未幾以誣逮繫至京尋得釋孟縮伊字莘若杞縣人萬歷庚子舉人任裕州學正遷國子監助教成就人材始終不倦後以戶部郎中出爲雲南驛道兵備副使能釐別驛弊殺祀鄉賢

氏姓譜

卷百二十七

二十四敬

孟氏

二六

孟同驕字調之杞縣人崇正己卯舉人曉兵法且善騎射乙亥流賊攻杞縣令委守南門指畫扞禦城賴以全是時人心洶洶懼寇再至同驕與何印光謀出說巡撫高名衡及監軍蘇京齎戰守具爲赴汴合守計崇正十五年巡撫檄杞令呂翁如至汴聽指揮杞士民偕往已而賊騎至杞免罹鋒鏑者數萬衆祀鄉賢

歷代列女

孟氏名姜同官人適范植僅三日而植赴役長城姜送寒衣至城下植已死沿城痛哭城爲之崩尋夫骨無辨姜齧指血驗得之負歸葬畢卽死石穴中

孟氏扶風平陵人同縣梁鴻字伯鸞之妻也女狀肥醜而黑力舉石臼擇對不嫁至年三十父母問其故女曰欲得賢如梁伯鸞者鴻聞而聘之女求作布衣麻屨織作筐織

續之具及嫁始以裝飾入門七日而鴻不答妻乃跪牀下請曰竊聞夫子高義簡斥數婦妾亦偃蹇數天矣今而見擇敢不請罪鴻曰吾欲裘褐之人可與俱隱深山者爾今乃衣綺縞傅粉墨豈鴻所願哉妻曰以觀夫子之志耳妾自有隱居之服乃更爲椎髻著布衣操作而前鴻大喜曰此真梁鴻妻也能奉我矣字之曰德曜名孟光居有頃妻曰常聞夫子欲隱居避患今何爲默默無乃欲低頭就之乎鴻曰諾乃共入霸陵山中以耕織爲業詠詩書彈琴以自娛後乃與妻子居齊魯之間有頃又去適吳爲人賃舂每歸妻爲具食不敢于鴻前仰視舉案齊眉鴻卒塋于吳要離冢傍塋畢妻子歸扶風

孟氏婦孟仁之母也仁爲監魚池作鮓寄母母還之曰汝爲魚官以鮓寄母非避嫌疑也吳錄與陶侃母湛氏同稱

氏姓譜

卷百二十七

二十四

孟氏

三

孟氏婦江夏人孟宗之母也宗少遊學與同學共處母爲作十二幅被其鄰婦怪問之母曰大其被以招貧生之卧庶聞君子之言耳

孟氏鉅鹿人尚書令任城王澄之母澄爲揚州之日率衆出討于後賊帥姜慶真陰結逆黨襲陷羅城長史韋纘倉卒失圖計無所出孟乃勒兵登陣先守要便激厲文武安慰新舊勸以賞罰喻之順逆於是咸有奮志親自巡守不避矢石賊不能克卒以全城澄以狀表聞屬世祖崩事寢靈太后令曰鴻功盛美實宜垂之永年勅有司樹碑旌美孟氏婦孟郊妻也郊去婦作詞云君心匣中鏡一破不復全妾心藕中絲雖斷猶牽連

孟氏延安人父成永樂城夏人攻圍城陷父死女呼號徒步亟往潛入城中獲父尸勸而卒夏人憐之并其父瘞焉

孟氏徐州人居翰妻也年二十餘夫卧病久氏許與同死夫果弗起孟氏殮畢從容自縊而死

孟氏倪夢應之妻夢應爲海門尉早逝孟刻苦不嫁教子孫以仁厚餘粟出糶必縮直十二三歲以爲常

孟氏名淑卿蘇州人訓導孟澄之女有才辨工詩詞別號荆山居士嘗論作詩貴脫胎化質朱淑貞固有俗病李易安可與語耳爲士林所賞有豆花雨過晚生涼林館孤眠

怯夜長自是愁多不成寐非綠金井有啼醬之句

孟貞女名蘊諸暨民家女初許嫁縣學生蔣文易未成婚文易充貢入監爲御史病卒蘊年纔二十聞喪號慟歸蔣氏執喪三年養其舅姑盡孝宣德中旌表其門

孟氏劉體仁妻體仁保寧府判卒于官孟匍匐間闕扶夫柩返課訓諸子紡績餬口篝燈課讀吟唔聲與機杼軋軋

氏姓譜 卷百二十七 二三四敬 孟氏 二

相間發也後六子以科第貢薦相與振其家聲聞之者莫不賢其母覃恩封爲安人

孟氏名淑上虞人中郎將質之女年十七當嫁聘禮既至爲盜所劫祖父操刃對戰不敵見害淑慟哭曰淑禍不生

其身害及我祖雖活何顏自經死

孟氏方師夔妻建德人元末夔爲鄞縣小溪寨巡檢卒于官孟年二十七子原德扶柩歸竭力營殯舉夫家之不能葬者七喪洪武十年旌表

孟氏女幼秉貞堅念父老無嗣矢志不字苦歷四十七載父逝殯塋成禮同庶母陶氏足不踰戶歲時祭祀必盡哀

孟氏息縣人楊君明妻崇正八年流寇剽掠孟氏偕姑走避賊追及執姑拷索氏以身覆姑代受挺刃賊舍姑逼氏

同行氏罵賊賊怒殺之姑得脫去有司以聞詔建坊旌之

盛氏

周之同姓國也後為齊所滅穆天子傳云盛姬姓之國
公羊云成降于齊師成者盛也以諱滅同姓故言成也
又有奭氏召公奭之後也蓋以名為氏後避漢元帝諱
故改為盛氏焉漢有司徒盛吉後漢有北海太守盛苞

歷代名賢



盛冲吳孫休受學焉及卽位以為博士講論道藝

盛憲字孝章會稽人器重雄偉與弟宏仲三人總為一時

名士歷吳郡太守子匡奔魏位至征東司馬



盛彥字翁子廣陵人也少有異才年八歲詣吳太尉戴昌
昌贈詩以觀之彥于坐答之辭甚慷慨母王氏因疾失明

氏姓譜

卷百二十七

二十四敬

盛氏

二九

彥每言及未嘗不流涕於是不應辟召躬自侍養母食必
自哺之母既疾久至於婢使數見捶撻婢忿恨伺彥斃行
取蟻蟪炙餒之母食以為美然疑是異物密藏以示彥彥
見之抱母慟哭絕而復蘇母目豁然卽開從此遂愈彥仕
吳至中書侍郎吳平陸雲薦之于刺史周浚本邑大中正
劉頌又舉彥為小中正太康中卒



盛度字公量應天府人曾祖璫任錢氏為餘杭令徙家焉
父豫從倣入朝終度支郎中度登進士補濟陰尉轉封邱
簿開封府倉曹參軍光祿寺丞御史臺推勸官改秘書郎
試學士院得直史館累遷三司戶部判官屯田員外郎契
丹寇邊度從幸大名使陝西因覽疆域參贊漢唐故地繪
為河西隴右西域三圖以上言唐置節度使以宰相兼領

用非其人故有河山之險而不能固有甲兵之利而不能禦今復繪山川道路壁壘區聚願備上覽真宗稱其博學改開封判官坐決獄失實降監洪州稅請復賢良方正等六科既而夏竦建議皆自度始起知建昌軍三司鹽鐵判官以起居舍人知制誥判會靈觀至翰林學士史館修撰景靈官副使以交通周懷政出知光州乾興初再謫和州團練副使丁謂貶起爲祠部兵部郎中請追封其母郡君自是學士未至諫議者皆得封遷太常少卿知筠州更虔滁蘇三州還知審刑院以右諫議大夫知揚州加集賢院學士復官翰林遷給事中詔與中丞王隨議通解商聽入錢算鹽進承旨以禮部侍郎兼端明侍讀二學士召問邊計條十事以上景祐二年拜參知政事同參蔡齊與王曾善宋綬與呂夷簡善度獨不得志及二相辭位仁宗問以

氏姓譜

卷百二十七

二十四般

盛氏

三十一

何故俱求退度對二人腹心之事臣不得知陛下但詢以孰可代者則其情可察矣上果問曾薦齊夷簡薦綬於是四人俱罷度獨留遷知樞密院事章得象旣相以度嘗位其上卽拜武寧軍節度使寶元二年坐令馮士元強取其鄉所賃官舍罷爲尙書右丞復知揚州加資政殿學士知應天度體肥暴感風眩以太子少傅致仕卒贈太子太保謚文肅平生好學家列圖書每歸未嘗釋手敏于爲文汎濫不精嘗奉詔同編續通典文苑英華注釋御集真宗祀汾陰仁宗在藩邸詔掌起居牋奏及留司章奏有愚谷銀臺中書樞密四集又有中書翰林二制集子申甫終兵部郎中集賢校理福建轉運使頗以修潔稱從兄京有吏能以工部侍郎致仕卒

盛陶字仲叔鄭州人登進士爲監察御史神宗問河北事

對曰朝廷以便民省役議廢郡縣誠便然沿邊地相屬如北平至海不過五百里其間列城十五祖宗之意固有所在願仍舊貫疏慶州李復圭輕敵敗國程昉開河無功徒擾州縣二人實王安石所主陶不少屈出簽書隨州判官久之入爲太常博士歷考功員外工部右司郎中至侍御史陳官冗之弊謂恩澤舉人宜取嘉祐治平之制選人改官宜準熙寧元豐之法劉安世等攻蔡確陶謂確以弟碩有罪但坐罷職不應懷恨注釋詩語近于拮據以長告訐之風安石併疏陶居風憲而附會觀望紀綱何賴出知汝州徙晋州召爲太常少卿議合祭天地請從先帝北郊之旨進權禮部侍郎奉行合祭不復執辨進中書舍人除龍圖閣侍制歷知應天順昌二府徙瀛州元符中劾奪職卒年六十七

姓氏譜

卷百二十七

二十四敬

盛氏

三

盛京餘杭人登進士第入官薦至諫議大夫出守江寧以老乞便郡詔移海州天資仁厚不忍以法繩下而吏民化服亦不忍欺以事去久而民愛思之終工部侍郎後子遵甫以光祿丞通判海州歲旱發公私藏粟以廩民又設方畧捕奸盜發輒得遵甫子仲孫以朝奉大夫知海州暮年州稱治邦人有盛使君家兒世世循吏之稱

盛均字之才永春人大中十一年進士博物強記舍人皇甫煥以博辨雄一時惟均爲勁敵嘗病白氏六帖疏畧廣成盛家十二帖囊括經史貫穿百家頗資時賢所好終昭州刺史

盛仲次元豐初爲慈谿令有文名究心民瘼持身公介不畏強禦戢吏愛民政多惠利後爲內相
盛次仲元祐間與孔平仲同在館中夜論雪詩次仲曰看

來天地不知夜飛入園林總是春平仲大服

盛明斐化昌人以文學名築蒙齋讀書因以自號工文辭有凍蠅說雪賦蕨薇子傳爲士大夫所稱仕至儒林郎建寧府甌寧縣丞

盛溫如名璲以字行豐城人少有大志時方擢程氏學璲宗其說讀書稽古以聖賢爲己任領淳熙鄉薦時盜蜂起璲舉義兵擒渠魁數十人盜又阻山據險謀再舉璲單騎往諭以禍福遂駭散去定賞功授奉節郎以親老辭劄書院於盛家洲顏之曰安樂廬朱晦菴嘗邂逅於楚甚器重之過訪其家者三屢贈以詩所著有伊洛統宗大極圖解并詩集傳世後與于革劉允並祀學宮號三傑祠

元

盛熙明豫章人篤學多材工翰墨通六國書至正中嘗以

氏姓譜

卷百二十七

二十四敬

盛氏

三三

所編法書考八卷進上覽之徹卷命藏中秘

盛懋字子昭嘉興人畫山水人物花鳥始學陳仲美稍變其法精緻有餘

盛昭字克明歸德人由儒學官累遷淮南行省照磨會詔使往高郵諭張士誠不得達遽還詭稱賊已迎拜但乞名爵行省不虞其欺再遣昭入高郵授以萬戶告身士誠拒不納拘諸舟中昭語所從吏曰吾之止此有死而已旣而官軍逼高郵士誠授昭以兵使出拒昭叱曰吾奉命招撫汝汝拘留詔使罪不容誅反欲吾從汝爲賊邪賊怒先剗其臂肉而後磔之

明

盛景吳江人登進士雋爽負氣嘗按廣東劾巡撫侍郎揭稽不職稽坐左遷景後爲羅江知縣擢叙州知府並有樂

寇功

盛暉字時望無錫人登進士授御史暉降東鹿知縣有善政束鹿徭役苦不均暉爲立九則法繼者莫能易母憂去服除民相率詣闕乞還暉再任益不用鞭朴訟者諭之輒叩頭不復辨鄰邑訟不決亦皆赴訴片言折之各心厭去郊外有隙地爭來築室居之遂成市號爲清官店憲宗嗣位所司以治行聞於是擢暉知邵武暉復以任治劇調延平巡按御史上暉政績特賜封誥暉累遷陝西左布政使時三邊多警歲復漭飢暉經畫饋餉無缺軍民悉安成化十七年召爲刑部右侍郎居二年山東旱飢盜起改暉左副都御史往巡撫暉至露禱大雨霑溉耜禾復蘇舉救荒之政旣振餘粟尙百餘萬石又推行九則法于諸府黜暴除苛民甚德之居三年以老致仕宏治中卒

氏姓譜

卷百二十七

二十四敬

盛氏

三三

盛應期字思徵吳江人宏治六年進士授都水主事出轄濟寧諸厓太監李廣家人市私鹽至濟畏應期投鹽水中去會南京進貢內官誣應期阻薦新船廣從中搆逮應期及主事范璋下詔獄璋莞衛河亦忤中貴者也獄具謫雲南驛丞稍遷祿豐知縣正德初歷雲南僉事武定知府鳳應死其妻攝府事子朝鳴爲寇應期單車入其境母子惶怖歸所侵策鳳氏終亂奏降其秩設官制之寢不行後卒叛與御史張璞副使晁必登抑鎮守太監梁裕裕劾三人俱逮下詔獄璞竟拷死會乾清官災應期得復職四遷至陝西右布政使擢右副都御史巡撫四川討平天全六番招討使高文林會泉江熨蠻普法惡作亂富順奸民謝文禮文義附之法惡死捐揮何卿等先後討誅文禮文義應期賚銀幣以憂歸嘉靖二年起故官巡撫江西宸濠亂後

瘡痍未復奏免雜調竊錢數十萬請留轉輸南京米四十
七萬銀二十萬以食飢民又令諸府積穀備荒至百餘萬
尋進兵部右侍郎總督兩廣軍務將行籍上積穀數帝以
陳洪謨代而獎賚應期後洪謨積益多亦被賚應期至廣
脩撫寧侯朱麒督參將李璋等討平思恩土目劉召復賚
銀幣朝議大征岑猛應期條上方畧七事言廣兵疲弱不
可用麒等志會御史許中劾應期暴虐麒等因相與爲流
言御史鄭洛書復劾應期賄結權貴應期已遷工部侍郎
引疾歸六年黃河水溢入漕渠浦北廟道口淤數十里糧
艘爲阻侍郎張拯不能治尙書胡世寧詹事霍韜僉事江
夏材請于昭陽湖東別開漕渠爲經久計議未定以御史
吳仲言召拯還卽家拜應期右都御史以往應期乃議于
昭陽湖東北進江家口南出留城口開濬百四十餘里較

氏姓譜

卷百二十七

二十四敬

盛氏

三

疏舊河力省而利永夫六萬五千銀二十萬兩尅期六月
工未成會旱災修省言者多謂開河非計帝遠令罷役應
期請展一月竟其功不聽初應期請令郎中柯維熊分濬
支河維熊力贊新河之議至是亦言不便應期上章自理
帝怒詔與維熊俱奪職世寧言新河之議倡自臣應期尅
期六月今四月功已入九緣程工促急怨讟煩興維熊反
覆變詐傾大臣譟國事自古國家僨大事必責首議臣請
與同罷帝不許後更赦復官致仕卒應期罷後三十年朱
衡循新河遺跡成之運道蒙利焉

盛訥字敏叔潼關衛人父德世職指揮討洛南盜戰死訥
號泣請于當事水漿不入口者數日爲發兵討斬之久之
舉隆慶五年進士由庶吉士累官吏部右侍郎與尙書陳
有年左侍郎趙參魯共釐銓政母憂歸以篤孝聞卒贈

部尚書天啟初謚文定予以宏字子寬萬歷二十六年進士由庶吉士累官禮部尚書天啟三年謝病歸魏忠賢亂政落其職崇正初起故官協理詹事府卒官明世衛所世職用儒業顯者訥父子而已

盛以恒潼關衛人崇正十三年舉人知商城縣視事月餘流賊突至邾之明年張獻忠陷襄陽鄰境大恐以恒已遷開封同知將行士民懇留之乃登陣與渾官楊所修洪允衡馬剛中段增輝共守城二月中賊奄至適雨雪守者凍餒不能戰以恒督家衆射賊十七人墜馬賊怒併力攻之矢中以恒右額猶裹創拒敵賊登北城家衆巷戰死且盡乃被執罵賊不屈爲賊支解

盛寅字啟東吳江人受業於郡人王賓初賓與金華戴原禮游冀得其醫術原禮笑曰吾固無所吝君獨不能少屈

氏姓譜

卷百二十七

二十四族 盛氏

三五

乎資謝曰吾老矣不能復居弟子列他日伺原禮出竊發其書以去遂得傳將死無子以授寅寅旣得原禮之學復討究內經以下諸方書醫大有名永樂初爲醫學正科坐累輸作天壽山列侯監工者見而奇之令主書算先是有中使督花鳥于江南主寅舍病脹寅愈之適遇諸途驚曰盛先生固無恙邪予所事太監正苦脹盍與我視之旣視投以藥立愈會成祖較射西苑太監往侍成祖遙望見愕然曰謂汝死矣安得生太監具以告因盛稱寅卽召入使殿令診脈寅奏上脈有風濕病帝大然之進藥果效遂授御醫一日雪霽召見帝語白溝河戰勝狀氣色甚厲寅曰是殆有天命耳帝不懌起而視雪寅復吟唐人詩長安有貧者宜瑞不宜多句聞者咋舌他日與同官對奕御藥房帝猝至兩人斂衽伏地謝死罪帝命終之且坐以觀寅三

勝帝喜命賦詩立就帝益喜賜象牙棋枰并詞一闕帝晚年猶欲出塞寅以帝春秋高勸毋行不納果有榆木川之變仁宗在東宮時妃張氏經期不至者十月衆醫以姪身賀寅獨謂不然出言病狀妃遙聞之曰醫言甚當有此人何不令早視我及疏方乃破血劑東宮怒不用數日病益甚命寅再視疏方如前妃令進藥而東宮慮墮胎械寅以待已而血大下病旋愈當寅之被繫也闔門惶怖曰是殆殲死既三日紅仗前導還邸舍賞賜甚厚寅與袁忠徹素爲東宮所惡既愈妃疾而怒猶未解懼甚忠徹曉相術知仁宗壽不永密告寅寅猶畏禍及仁宗嗣位求出爲南京太醫院宣宗立召還正統六年卒兩京太醫院皆祀寅寅弟宏亦精藥論子孫傳其業初寅晨直御醫房忽昏亟欲死募人療寅莫能應一草澤醫人應之一服而愈帝問狀

氏姓譜

卷百二十七

二十四第 盛氏

三六

其人曰寅空心入藥房碎中藥毒能和解諸藥者甘草也帝問寅果空腹入乃厚賜草澤醫人

盛世翼桐城人萬歷進士任樂安縣戊子歲大飢首捐俸賑之親至各鄉勸義得助千石者六家數百石者無算民賴以生修學均徭一清如水百姓至今思之

盛敬亭存禮初任行人庚戌冬其兄涉江覆舟沉其軀敬陳情奔歸操舟直抵其所求而得之葬祭以禮奉嫂撫孤曲盡恩義邦之士夫若劉侯有年輩咸贈詩文以著其友愛之篤尋陞陝西道監察御史巡按廣東遼東甚有廉幹譽永樂乙酉卒于遼察衆朋舊哀悼賻祭者頗多

盛璞宣城人性剛方負氣能文章永樂中由國子生除寧波府同知以廉愛見稱擢南京戶部侍郎出守黃州尤有德政歷官二十餘年所至不攜妻孥惟行囊二肩馬僕各

一而已

盛友聞巢縣人少時母再適後知母在永平走數千里染疾歸宣德癸丑復顛天而行載母歸竭已奉養者二十年母壽九十有六既塋廬墓三年有鵲巢連枝之異人咸以為孝感

盛洪字思禹崑山人主刑部事明習文法三被旨按獄其所當無問貴勢適有連諸閹宦請命不能得居久之遷按察嶺南故與吏貿易賈蘭出物私其利外國因為市洪嚴禁遏絕之乃潛以黃金百斤饋拒不納又上章論吏嗜利今監以所欲啗之而又浚刻之深召慶啟侮非便蒙嘉納既罷後以其功復召按察山東道卒洪介廉自其性為理甚平若無所縱舍而論事常依仁恕

盛鳳儀字景瑞海陽人以成化己酉貢授仁化縣學訓導

氏姓譜

卷百二十七

二十四敬

盛氏

三七

以賢能聞巡撫韓雍檄置幕府尋韶之翁源乳源二縣兵發鳳儀設策平定安輯仍命耕種絕戶田以補輸民苦租賦不均鳳儀上議因田肥硤定賦三則以均之繼擢安溪教諭署縣事遂遮學地舉殿堂齋舍而一新之後以秩滿乞休生徒遮留至數百里正德間仁化士民思之與教諭翁瑛林岩並祀為三賢祠云

盛祥知道州穎敏博學耿介不苛州有虎患祥禱于鼻亭祠二虎渡河一虎斃死祠下及卒州人合祀于陽刺史祠盛世承字以烈萬厯進士累官至光祿寺卿工詩文有道遙物外之意壽八十八卒之前一夕縣令夢世承衣鶴氅揮塵言別升雲入碧漢比曉遣使存問已無疾逝矣盛周字文郁浙江秀水縣人進士嘉靖三十二年知浦城縣事操守清廉饋遺盡却且政尚持平請記一無所受修

南浦橋又修登瀛橋民不病涉坑塲寇起築木柵守禦以奇兵出其不意悉禽焉始奏蕩平之績陞任日行李蕭然萬歷三十三年入宦祠崇祀

歷代列女

盛氏名貞一馬彥奇妻也幼讀書知學年二十歸彥奇未十年而夫死盛年二十八家貧躬織維以養姑夜則無燭嘗從閨中導其女紡無一縷覺亂子玟僅能言口授書句指取青麻水作點畫教其子所爲梅花詩數十首多以自况有云月夜孤標憐晚景冰溪瘦骨絕塵埃寒香泣兩魂難返貞節凌霜志莫回自述詩有云一燈教子丹心苦半世幼箴白髮新玟至成立元末盛避地西華岩年七十餘盛氏永春人顏晃榮妻也嘉靖元年流賊剽掠及境晃榮隨民兵禦賊盛攜其男女避賊安林爲賊所得欲汚之不氏姓譜

卷百二十七

二十四載

盛氏

三

後遂遇害其養女陳珠年十五有姿色亦在獲中不汚於賊賊怒并殺之邑侯爲之殯葬復作詩以吊之

盛氏鄧鑑妻黃陂人鑑任光祿署丞以土木之難沒于陣盛時年二十七矢節撫孤瓊後以恩錄仕爲裕州守盛年九十餘卒有司旌表其門

盛氏婦姓丁氏黃山盛治之妻也年二十四而夫亡遺二子障三歲昭在襁褓舅姑以已喪子之戚且迫衰暮丁氏

飲食敬事之撫教其遺孤有樹立霜節終身不與華宴不統綺成化六年旌表

盛氏周棠仲妻也崇正癸未爲闖賊所逼罵賊死賊掩其尸挈其子去越十餘年賊乎子歸尋其尸面色如生

盛氏女字善才仁和盛文郁女孫許聘同邑潘有成未娶有成夭死女奔訃會水沒舍慄其尸女痛幾絕矢志不再

從人隨祖文郁任武寧知縣祖父俱卒遂留家焉女招有成魏葬之歲時祭必慟哭撫弟遺孤如海如江俱底成立年七十卒葬于石窩山而石合其隴人謂勁氣所致云

盛氏女武寧庠生盛彌俊女也乙酉闖賊至舉家避匿山中賊搜獲欲辱之抵死不從驅至西門龍潭寺前甘言誘之女張目大罵遂攫刃而死

盛氏二節婦浮梁人盛自貴妻臧氏名淨真遂叔妻吳氏名柔真臧年二十五夫亡撫遺腹子遭兵室焚與吳負孤自匿以全吳年二十六夫亡教子成立俱洪武間旌表

慶氏

姜姓齊桓公之子公子無虧之後也無虧生慶克亦謂之慶父名字通用是亦以字爲氏者望出廣陵

歷代名賢

氏姓譜

卷百二十七

二十四教

慶氏

三

漢

慶普字孝公沛人同戴德戴聖受禮于后倉由是禮有大戴小戴慶氏之學普仕爲東平太守

慶鴻洛陽人慷慨有義節歷會稽太守在官有異政

慶安石年十五爲成帝侍中書善鼓琴爲雙鳳雛鳳曲后悅之白上得出入御內甚見愛幸嘗着紫綈裘與后同居

唐

慶澄廣德初以左兵曹參軍兼武康德清二縣令邑經兵燹澄于瓦礫荆棘之場創置宇舍城郡未及暮年悉復其業越歲繁庶過半

明

慶鍾永樂間紹興舉人

慶冬和州人宣德中任知縣

慶龍和州人正統中任都事

正氏

亦作政子姓宋正考父之後漢正錦武帝時獻寶鼎魏志永昌太守正帛宋祥符登科正尹明正復合肥人洪武乙卯舉人大同府教授正閏綏寧人洪熙中信靈縣丞

姓氏

齊人有此姓見漢書貨殖傳臨菑人姓偉貲五十萬注云姓氏名偉又後漢書蔡邕傳光祿勳姓璋明姓秉恭嘉靖廣東南海貢生

鏡氏

見姓苑漢鏡欽字長孟河內令後唐同光中滕臣鏡新磨

氏姓譜

卷百二十七

二十四敬

正氏至 罕

令氏

見姓苑

歷代名賢

令氏

令勉中大夫改車騎將軍擊匈奴

明氏

令曦字景暘新昌人洪武間任監察御史剛正不阿劾去都御史劉觀及各道壞法御史六員百司震恐尋以疾卒

政氏

廣韻出姓苑又見千姓編

聖氏

姓氏以上俱見姓苑

氏姓譜卷百二十七終

